

# SWAKUDYA SWA XIMOYA

## HI NGUVA YA KONA



Pfumela ntsena, pfumela ntsena,  
Hinkwaswo swa koteka, pfumela . . .

Njhani, sweswi hi ndlela leyi:

Sweswi ndza pfumela, sweswi ndza pfumela,  
Hinkwaswo swa koteka, sweswi ndza  
pfumela;  
Sweswi ndza pfumela, sweswi ndza pfumela,  
Hinkwaswo swa koteka, sweswi ndza  
pfumela.

A hi yimiseni xisweswi, na tinhloko ta hina leti korhameke.

Hosi, leri swi nga endleka ri ngari rinsimu ntsena, kambe ku ri ku yimbelela ka ku enta ka timbilu ta hina, “Sweswi ndza pfumela!” Vadyondzisiwa va teri nkarhi wun’wana, endzhaku kaloko Yesu a tirhile mintirho leyikulu, va teri, “Hosi, sweswi ha pfumela.”

Yesu a ku, “Ma pfumela sweswi xana?”

<sup>2</sup> Va teri, “Hi pfumela leswaku Wena u tiva swilo hinkwaswo nakona a wu kali u lava munhu loyi a nga Ku dyondzisaka.” Swingaleswi, Tatana, vusiku lebyi hi swi tekerile enhlokweni leswaku A wu kali u lava ku dyondzisa ka hina, kambe hi lava ka Wena. Swingaleswi ha khongela leswaku Wena u ta hi dyondzisa ku khongela, niku hanya, ni leswaku hi nga pfumerisa ku yini. Hi nyike swona, Hosi, eka xikhongelo lexi vusiku lebyi. Loko hi pfumala swin’wana, hi nyike swona, Hosi. Ha swikombela hi Vito ra Yesu. Amen.

<sup>3</sup> Ndza switiva leswaku votala van’wina mi lo yima kunene nakambe emadyamyini lawa. Nakona, ehandle, hi hlanganile ni ntlawa lowu wu nge teri a wu nge ngeni, kutani vale ku yingiseleni ka swiya-ni-moya swa vona eka mimovha ya vona yo hambanana. Kutani sweswi hi ta ringeta ku hatlisa tani hilaha hi nga ta kota ha kona madyambu lawa, hi madyambu ya Sonto, hi ta nyika ku khongelela vavabyi, hi va na layini ya xikhongelo tani hilaha hi nga tava na yin’wana yi nga ta fika lahawani. Kambe hi le ku nyikeleni ka xikhongelo lexi madyambu ya namuntlha leswaku kuva ku ri xikhongelo xo khongelela vavabyi.

<sup>4</sup> Kutani ni milava mi akiwa sweswi eka . . . Marito lawa yo Kwetsima ya Xikwembu, eka Ripfumelo, Ripfumelo ra awara leyi. Ripfumelo! Ri taya ri ya teka ripfumelo rotala kutlula

leri ri nga tshama ri va kona eka nguva yin'wana na yin'wana, hikuva leri ri tava ri ri ripfumelo ro tlhandlukisiwa, ku vutleriwa ehenhla. Kutani swingaleswi hi mi lava leswaku mi pfumela madyambu lawa eka hinkwaswo leswi mi nga swivona, mi nga swi twa, Rito leri mi nga ritwa ri chumayeriwa, ma—ma masingita ni swihlamariso leswi mi nga swivona loko swi endliswa. Hi milava mi swi hlengeletela etimbilwini ta n'wina hinkwaswo sweswo, mi tlhela mi swi tekela enhlokweni, loko sweswo kuri Xikwembu kumbe xi nga ri xona.

<sup>5</sup> Swi kotisa Elixwa wa khale, loko ate, “Loko Xikwembu xi ri Xikwembu, kutani Xi tirheleni.” Kutani loko Yesu kuri yena xikarhi xa swilo hinkwaswo eka Mukreste, kutani ndzi ehleketa leswaku hi fanele ku chucha hinkwaswo kutani hi namarhela eka Yena. Tsundzukani, hi Yena Vuxikarhi, hi Yena Nyeleti ya N'walungu, hi Yena Makumu, hi Yena ku Hetiseka. Kutani loko a ri Yena Nyeleti ya N'walungu. . . Ku na nchumu wun'we ntsena lowu wu kombetelaka eka nyeleti ya n'walungu, walowo i khomphasi leyi u tlutaka na yona. Nakona Khomphasi leyi ndzi ringetaka ku mi tlutisa na yona i Rito, nakona Rito minkarhi hinkwayo ri kombetela eka Yena.

<sup>6</sup> Kutani hi ti twisa xisweswo leswaku hi famba eka nkarhi lowukulu wa nhlomulo ni miringo, ku sohasoha ka nkarhi niku tshikeleleka exikarhini ka matiko, ni muxaka wa swilo hinkwaswo leswi humelelaka, kutani nkarhi wun'wana ni kumeka ni ri karhi ni nyupela tani hi. . . Hinkwako laha a ndzi languta, swi languteka swi ri eka. . . exikepeni lexi nga elwandle. Kutani a ndzi ri mulanguteri wa Byatso. Nakona hi ta swi endlisa ku yini? Kutani lahawani ku ta xin'wana ni xihuku xo basa, xi ri karhi xi hundza xa mina hi ku andzisa ka dzana kutlula xikepe xa mina. Kambe hi tava tlhoma tinsiva, un'wana na un'wana. “Hi hlula hi ku hlurisisa ha Yena.” Kaptein, Kaptein Lonkulu, u khomelerile ntambu emakun'wini ya xikepe, U ta xikokela kona. Hi ta tlhoma un'wana na un'wana wa vona tinsiva.

<sup>7</sup> Swingaleswi, madyambu lawa, hi ta hatlisa leswaku mi ta hatla mi huma ka hari na nkarhi. Ha amukela ku chayela ka n'wina loku ko leha, ni kuya emahlweni, ni hilaha mifaneleke ku chayela hakona, niku tinyiketela ka n'wina mi ku endlaka. Kutani, wa vona, sweswo swi ndzi endlala leswaku ndzi va laha ndzi nga ta yima ni kuya emahlweni niku vulavula niku endlala hinkwaswo leswi ni nga swikotaka ku mi pfuna. Kambe loko ndzi ri lahawani ndzi ringeta ku ndondovetela hinkwaswo leswi ndzi nga swikotaka loko swi nga endleka, ku ta pfuna eka xinkadyani lexi hi nga eka xona sweswi lahawani. Kutani mi teka. . . Loko u nyika vanhu swotala hi nkarhi wuri wun'we va ngaka va nga ha swi tsundzuki. U—u fanele ku teka nchumu wun'we ntsena u wu khoma u wu yisa eka munhu ku fikela

laha va swivonaka. Kutani loko va tava va ri niku tiya kwaloko etimbilwini ta vona, kutani va tava...kutani u va dyondzisa swin'wana. Ntsena hi goza hi goza tani hiloko hi famba.

<sup>8</sup> Sweswi, mikhongela leswaku mi tava ni nhlohlotelo wa kahle, nakona mi pfumela emadyambyini lawa eka ku horisiwa. A ndzi ehleketi leswaku ku nga hava kuri ni xivutiso xin'wana emiehleketweni ya n'wina hi nkarhi lowu hi hanyaka eka wona. A ndzi pfumeli leswaku ku na swivutiso emiehleketweni ya n'wina xa ku hambu Xikwembu xi kona exikarhi ka vanhu va Xona kumbe a xi kona. Ndzi pfumela leswaku hinkwerhu mi pfumela sweswo. Na mina...A ku na ku kanakana emiehleketweni ya mina ha swona. Nakona ndzi—ndzi—ndzi tiva vanhu va ka hina, vanghana va mina, vanghana va Krete, vana va—va Krete, va pfumela sweswo.

<sup>9</sup> Kutani swi ndzi nyika ntsako lowukulu loko ndzi kuma leswaku ma swi tiva leswaku mi ni Hungu leri ri humaka eka Xikwembu, nakona mi ri nyika vanhu niku vona vanhu loko va hlamula eka Rona. Kutani mi languta endzhaku mi ku, “Ha Ku khensa, Tatana.” Oho, swi tsakisa njhani loko u vona vana va ri eku dyeni ka Vuswa lebyi byi nga rhumeriwela vona! Mi swi xi yisisile leswaku a ya ri malembe ya xivono lawa ya nga hundza, kona kwalahawani etabernakeleni? Hi swona sweswo, “Vuswa bya Vutomi.” Makwerhu Neville, wa swi tsundzuka xana, matimba. Nkarhi wa Matimba!

<sup>10</sup> Sweswi a hi pfuleni eka, loko mi lava ku landzelela ku hlaya kumbe ku swi tsala ehansi, ntsena...A ndzi pfumeli leswaku swi nga hava swi tshamisekile kuva na xikhongelo ku nga hlaiwi Rito ra Xikwembu niku hundzisa marito mantsongo nyana, loko hi leswaku ku tava kuri xikhongelo xo horisa kumbe xa muxaka wun'wana. Hinkwerhu ha switwisisa. Ku hava valuveri exikarhini ka hina, ndza pfumela. Kambe hinkwerhu ha swi twisisa leswaku ku horisiwa i yini. A hi swona leswi un'wana a mi endlelaka swona; hi leswi Xikwembu ku nga khale xi mi endlele swona. Ku ponisiwa kule ka ntila wun'we. Nchumu wun'we ntsena, i ku, va ku kumeka vanhu leswaku va pfumela leswaku walowo i Ntiyiso. Nakona Xikwembu xa swi dyondzisa eRitweni ra Xona niku khorwisa vona lava va nga ta Ri pfumela, hikuva Xi teri, “Hinkwaswo swa koteka eka vona lava va pfumelaka.”

<sup>11</sup> Mi ri, “Kuhava lexi xi tsandzaka Xikwembu.” Ma swi pfumela sweswo xana? Na n'wina kuhava lexi xi mi tsandzaka, hambu swi ri tano. “Hikuva hinkwaswo swa koteka eka vona,” (Xikwembu i Munhu un'we) “eka vona lava va pfumelaka.” Wa vona? Swingaleswi kuhava lexi xi nga endlekiki eka n'wina, swa n'wina, loko ntsena mi nga pfumela.

<sup>12</sup> Sweswi eka Tihosi to Sungula, ku avanyisa ka vul7, ndzi lava ku hlaya tivhese ta nkombo to sungula, loko Hosi yi swi rhandza.

*Kutani Eliya wa Tishbi, munhu wa tiko ra Gilead, a ku ka Akab, Hosi Xikwembu xa Israel, loyi ndzi yimaka emahlweni ka yena wa hanya, malembe lawa ku ngaka ku nga vi na mpfula ni mberha, loko ku nga ri hi rito ra mina.*

*Kutani rito ra Hosi ri ya eka yena, ri ku,*

*Suka u famba, etlhelo ra vuxa, etlhelo ra vuxa, u ya tumbela exinambyaneni xa Keriti, lexi nge mahlweni ka Yordan.*

*U ta nwa, mati ya xinambyana; ndzi lerisile mawukuwuku ku ku phamela kona.*

Xiyisisani, “ku ku phamela kona,” ku ngari kun’wana. “Kona!”

*Kava loko a famba a endla hilaha Hosi yi n’wi byeleke ha kona, kumbe rito ra Hosi: a ya tshama exinambyaneni xa Keriti, lexi nge mahlweni ka Yordan.*

*Kutani mawukuwuku ma n’wi tisela vuswa ni nyama ni mixo, ni vuswa ni nyama ni madyambu; a ri karhi a nwa mati ya xinambyana.*

*Loko ku hundze masiku, xinambyana xi phya, hikuva mpfula a yi nanga emisaveni.*

<sup>13</sup> Hosi a yi engeteli minkateko ya Yona eku hlayiwani ka Rito ra Yona. Kutani sweswi, madyambu lawa, ndzi lava ku teka tsalwa leri ri humaka kwalahaya, leri ri vitaniwaka, “Swakudya swa ximoya eka nguva ya Swona.” Mixo lowu a hi ri—a hi ri na dyondzo eka—eka “Ku tirha ntirho wa Xikwembu, kumbe ku ringeta ku Xi endlela xikhongelo ku nga ri. . .-ku nga ri nkarhi wa kona, nguva, ndhawu, kumbe na munhu wa kona.” Kutani sweswi i: *Swakudya Swa Ximoya Hi Nguva Ya Kona.*

<sup>14</sup> Muprofeta loyi, Eliya, hi tiva swintsongo ha yena. Kambe ha switiva leswaku a ri nandza wa Xikwembu, ni kuva a ri nandza wa Xikwembu eka awara yaleyo.

<sup>15</sup> Kutani Xikwembu xi tirhisile Moya wa Xona lowu a wu ri ehenhleri ka Eliya, ku ringana ka nharhu, nakambe xa ha tshembhisa kambirhi nakambe; ku ringana eka ntlhanu, i tintswalo. Xi Wu tirhisile ehenhleri ka Eliya; Wu tile eka Elixu wu ri ha kambirhi; a wu ri eka Yohana Mukhuvuri; nakona wa ha fanele ku ta wu ta humelela eka Mutekiwa wa Vamatiko; wu tlhela wu ta na Muxe ku ta teka Vayuda wu va

yisa ekaya. Hi swona sweswo. I ka ntlhanu laha Xikwembu xi nga tshembhisa ku tirhisa Moya wa Eliya, kutani sweswi khale wu tirhile ka nharhu.

<sup>16</sup> Sweswi, muprofeta loyi lonkulu, a hi ku tivi laha a taka a huma kona. Hi tiva ntsena leswaku a ri wa Tishbi. Kambe hi laha a nga tisa xiswona. . .

<sup>17</sup> Hi tiva swintsongo hi vaprofeta. A hi switivi leswaku va ta va huma kwihi. Va kala. . . Tani hilaha, a ndzi tivi na un'we loyi a humaka ekerekeni kumbe lava va nga na xivongo lexi xi va landzelaka. Kova ntsena vavanuna va ntolovelo lava nga chaveki nchumu, nakona, minkarhi yo tala, a va dyondzekanga. Nakona a va kalanga va dyondza na ku tsala, vona hi voxé. Esaya na Yeremiya, votala va vona, va dyondzile ku tsala, kambe wanuna loyi lonkulu Eliya a nga kalanga a tsala nchumu. Votala va vona a va kalanga va tsala nchumu; kumbexani a va nga swikoti ku tsala. Kambe a va ri vavanuna lava a va khwaxa. Kuhava na munhu na un'we eBibeleni la kotisa vaprofeta lava va khale. Ku antswisiwa mimfumo, tihosi, vanhu, tikereke, ni hinkwaswo, kutani vona va yima va nga ninginiki eka Rito ra Xikwembu, nakona Xikwembu xi va khorwisile leswaku va lulamile. I vanhu lava va khwaxa eka vona vari voxé.

<sup>18</sup> Kutani Eliya loyi a ri un'wana loyi a khwaxa swinene kutlula hinkwavo ka vona. A ri wanuna wa mananga. A ta a huma emananga; a hanya emananga. Bibe le yi ri a ambala swa voya. A funengela zovo ra nyimpfu, na xiphemu xa zovo, xa zovo ra kamela lexi a xi tsondzela xisuti xa yena, ngopfu. . . malebvú ya tate xikandza xa yena, kutani ndzi nga ha swianakanya leswaku a ri wanuna loyi a wu n'wi languta a khwaxa, niku n'wi languta.

<sup>19</sup> Kambe a hi. . . hinkwavo ka vona a va fanga. Hinkwavo—hinkwavo ka vona a va fanga. Emasikwini ya Nicene Council, votala va n'wina vanhu lava mi nga hláya *The Nicene Council of the Early Church*, loko va tava va lavile ku endla nhlangano ha wona niku tshovelela tikereke letin'wana, kutani ku tiwa eka yin'we, loko va tava va vile na Nicene Council yaleyo, vavanuna lava khwaxaka kukotisa Elixá u tile kwalahaya a humá emananga, a ri karhi a dya mintsembyani a ri yexe; Vavanuna lavakulu lava a va khwaxa. Kambe vakulukumba, lava va le henhla, ehansi ka Constantine, ni kuya emahlweni, va yivile rito ra vona. Hikuva lava, a va ri vaprofeta, a va switiva leswaku mphoho wa nkoroni wa Mutekiwa wa Kereke a wu fanele ku wela emisaveni, kufana ni loko mphoho wa nkoroni eka Muteki wu fanele ku wela emisaveni. Nakona kwalahaya wu tshama gidi ra malembe.

<sup>20</sup> Sweswo hi swona swi endleke leswaku va tsala etibukwini namuntlha leswaku, “Xi kwihi Xikwembu xexo xo miyela

lexi nga yimaka xi langutisa, swihlangi leswi ntsongo loko swi dlayiwa, ni vavasati loko va handzuriwa va va swiphemu phemu hi tinghala, kutani xi tshama eswibakabakeni xi nga vuli nchumu ha swona?" A va ri tivi Rito. Mphoho walowo wa nkoroni wu fanele ku wela emisaveni. Xana swi nga endlekisa ku yini eka Xikwembu lexi lulameke xi yima xi langutisa N'wana Loyi a nga wa Xona loko a fa ni kuva a tshwuteriwa, nikuya emahlweni? Kambe swi ya hi Rito, swi fanele swi va tano. Kutani yaleyo hi yona ndlela leyi swi nga xiswona eka awara leyi.

<sup>21</sup> Wanuna loyi, a ri wanuna lonkulu. A ri na rixaka leri nga dyoha emahlweni ka yena. Akab a ri hosi, tata wa yena ku nga se va na yena a ri lowo biha. Kusukela kwale ka Solomon, a kuri na hosi yin'we ntsena leyi a yi bihile endzhaku ka tin'wana. Kutani wanuna loyi, Akab, loyi a nga fuma makume mbirhi-mbirhi wa malembe eSamariya, a ri la nyanyeke eka vona hinkwavo. A ri hakunene wa ximanguva lawa. A pfumela eka vukhongeri, hakunene. Nakona a ri na hinkwaswo leswi a swi kongoma eka ximanguva lawa. A ri ni vaprofeta va yena va mune wa madzana va Vaheveru, hinkwavo ka vona a va dyondzekile va tlhela va leteriwa. Xikwembu xi n'wi rhumela un'we kutani a nga swi pfumeri, kutani yaloye a ri Eliya.

<sup>22</sup> Kambe Eliya, wa Tishbi loyi, a ri wanuna wa mananga. A nga ri munhu loyi a olova; a ri munhu loyi a khwaxa. Kutani siku rin'wana, endzhaku kaloko Akab a dyohile ku fikela laha Xikwembu xi nga ha swi yimeriki, Xi vulavurile na Eliya emananga. Kutani hi loyi a taka hi patu ro ya eSamariya, tani hilaha ni talaka ku swi kombisa; kumbexani ni malebvva ya yena yo basa lawa ya nga rhendzeleka na xikandza xa yena, mpandlha wa yena wu hatima edyambyini, na swimahlwana swo dyuhala swo lala, endzhaku lahaya a ri ni nhonga evokweni ra yena, niku n'wayitela exikandzeni xa yena, a famba a kongoma hosi ya Israel, a fika a ku, "Ku. . . A ku ngevi na mberha leyi yi nga tawa ku kondza ndzi yi vitana."

<sup>23</sup> Xikwembu xi hi nyika vavanuna vo kotisa valava, wa vona, vavanuna lava va switivaka leswaku leswi va swi endlaka hi LESWI HOSI YI SWI VULAKA.

<sup>24</sup> Sweswi, hi kuma leswaku loko a nga se swi endla leswi, Xikwembu xexo xi n'wi vitanile. Xikwembu xi vulavurile na yena nakona, swingaleswi, a nga chavi nchumu. A nga ri chavi hungu ra yena, a swi nga ta humelela; a switiva leswaku swi ta humelela! A swi tiva leswaku swi ya ku ya hi Rito ra Hosi, nakona a switiva leswaku hi yena muprofeta wa Xikwembu wa awara. Swingaleswi hambu hosi yi nga tsema nhloko ya yena yi suka, va n'wi hoxa ekhotsweni, hambu va nga endla yini na yini, a swi endli ku hambana eka yena; a ri na xileriso,

“LESWI HOSI YI SWI VULAKA,” exikandzeni xa yona hosi. A ri munhu wo khwaxa njhani! Kambe a nge se swi endla leswi, u vhumbhile dyandza lerikulu . . .

<sup>25</sup> Hikuva Xikwembu xi ngaka xi nga pfumeleri vudyoho byi famba byi nga xupuriwanga. Ku fanele kuva ni nkhave. Ku ngava kuri nawu wa njhani lowu wu—wu nga riki ni nkhave xana? Hi swihi swa kahle wu nga swi endlaka, mi ri, “swi lwisana na nawu ku lumeka rivoni,” kutani ku ngari na ndziho eka wona, kumbe kuri hava nkavi endzhaku ka wona? Wu ngaka wu ngavi nawu. Swingaleswi ku ni kuxupula eka vudyoho. Kutani loko Xikwembu xi endlile nawu, nakona nawu—nawu walowo wu nyamisiwa, kutani swi fanele leswaku kuva niku xupula eka sweswo.

<sup>26</sup> Kutani tiko leri ri onheterile milawu hinkwayo ya Xona. Oho, va ni kereke leyikulu, va ni tempele. Va ni vavanuna votala lava va nga dyondzeka. Va ni vaprofeta ku rhendzeleka hi tiko hinkwaro, va na swikolo swa vona, va va hundzuluxa tani hi muchini. Nakona va ni vaprofeta votala, va ni vaprista vo—vo tala, va ni vatsari vo tala, nakona va ni vukhongereri byo tala, kambe va le kule na Rito ra Xikwembu. Swingaleswi Xikwembu xi vitana munhu loyi a nga ehandle ka yin’wana ya tirhenke ta vona hinkwato, kutani xi n’wi rhumela ni LESWI HOSI YI SWI VULAKA.

<sup>27</sup> Nakona xiyisisani leswaku Xi ti hlayisela njhani leswi swi nga Swa Xona. Xi nge se rhumela muprofeta wa Xona na hungu, Xi teri, “Eliya, rhelela u ya byela Hosi Akab swilo leswi. Kutani sweswi, loko u swi endlile, u hambana na yena hi ku hatlisa, hikuva Ndzi ku endlerile ndhawu leyi u nga taya eka yona hi nkarhi wa dyandza. Ndzi ta ku hlayisa, Eliya, loko ntsena u nga chumayela Rito ra Mina, u endla leswi Ndzi ku byelaka swona ku swi endla.”

<sup>28</sup> Sweswi ndzi ya eku fananiseni ka ministri lowukulu, madyambu lawa, wa Eliya ni nkarhi wa Eliya, ni awara leyi hi nga eka yona sweswi. Ndza pfumela leswaku I xifaniso xa kahle. Ndzi ehleketa hi matiko . . . loko a ndzi . . . hi ri ni nkarhi wo tlhelela endzhaku, kambe ndzi lava ku veka nkarhi wo tala eka layini ya xikhongelo.

<sup>29</sup> Swingaleswi loko hi nga tlhelela endzhaku hi vona, Israel a ri teke Palestina ehenhleri ka nchumu wun’we lowu hi tekaka United States leri. Hi tile lahawani eka United States leri hi tlhela hi tlhelerisela vaaki endzhaku, laha a kuri Makula, kutani hi teka tiko. Kutani hi leswi Israel ri nga endlala Palestina swona, ehansi ka vurhangeri bya Yoxuwa, ehansi ka Xikwembu, kutani ri tlherisa vaaki kutani ri teka tiko.

<sup>30</sup> Kutani tihosi ta vona leto sungula a va ri vavanuna va matimba swinene; Davida, Solomon, ni vanhu lavakulu. Vapresidente va hina lavo rhang a vari vavanuna lavakulu;



Washington, Lincoln, ni kuya emahlweni. Kutani ekuheteleleni vapresidente kumbe tihosi va ya vari karhi va bola nkarhi hinkwawo, kutani ekuheteleleni va hetelele ni Akab loyi. I muxaka wun'we, xifaniso xa siku ra hina. Ni vanhu va kumeka vari va ximanguva lawa ngopfu kufikela laha va nga ha laveki kutwa Rito ra ntiyiso ra Hosi.

<sup>31</sup> Kutani mi nga ha swi anakanya, eka vanhu va ximanguva lawa vo kotisa valava, leswaku nandza wa ntiyiso wa Xikwembu a nga ha twakala kukotisa vona. "Hikokwalaho ka yini, wa hlanya, u lahlekeriwile hi miehleketo ya yena. Swi ngaka swi nga endleki kuva na nchumu wo kotisa walowo." I va vukhongeri vona, vukhongeri byo fana. I vavanuna vo tshembheka, va ni vanhu vo tshembheka. Va ni vukhongeri byin'we.

<sup>32</sup> Swingaleswi u swi tivile leswaku byi ta tlurisa bya ntivo-vukhongeri lebya ntolovelu, byi nga ha teka kutlula—kutlula hungu ra ntolovelu, byi nga tlula ntsena niku chumayela Rito, ku faya timbilu ta vona ta maribye. A switiva leswaku byi teka LESWI HOSI YI SWI VULAKA ku rhumela ku avanyisa kwaloko ehansi ehenhleri ka vanhu, swingaleswi a swi tiva leswaku loko a huma ni LESWI HOSI YI SWI VULAKA. Nakona hi LESWI HOSI YI SWI VULAKA. Ku hundzuluxa Sweswo, a kuri ku avanyisiwa. Ha swi vona sweswo eka siku ra hina, na hina. Ha swi vona sweswo eka siku rin'wana na rin'wana. Ku hava lexi xi nga sala handle ka ku avanyisa loko u tlula ntila wa tintswalo.

<sup>33</sup> Sweswi, muxaka walowo lowu nga lahaya, leswaku, ndzi ya fananisa Eliya na kereke namuntlha, kereke ya namuntlha. Ntsena ku nga se fika ku avanyisa, u amukerile hungu leri. Eliya, a yimela, kuva a hlayisile eka ntumbuluko, swakudya swa yena swa ntumbuluko, hikuva a yi nga hayi eku neni, kuya hi Rito ra Xikwembu, ku ringana malembe manharhu na ntsevu wa tinhweti, kumbe ku kondza Eliya a yi vitana. "Hambi ku nga hava nkarhi wihi mi nge, Eliya, sweswo hi leswi swi nga tava xiswona." Swingaleswi u yile eka hosi, a ya ku, "A ku nge hevi hambi kuri mberha loko ndzi nga yi vitananga." Walowo i—i ndhwalo hakunene, a hi wona xana? Rero hi rona hungu hakunene!

<sup>34</sup> Kutani sweswi hi ya fananisa sweswo ni dyandza ra ximoya ra namuntlha. Sweswi, hinkwerhu ha switiva, ha switiva swinene, leswaku ku ni dyandza lerikulu ra ximoya emisaveni namuntlha, hiku vulavula ka ximoya. Nakona, maswitiva, leri ri nga vhumbehiwa hi vaprofeta, ku nga se fika ku Vuya ka Krete ra vumbirhi, va teri, "Kutava na ndlala etikweni, kambe yi nga ri ya vuswa ntsena, kambe yi ri ya ku yingisela Rito ra Xikwembu." Nakona hi rona siku lero leri, "ku yingisela Rito ra ntiyiso ra Xikwembu." Sweswi, leswi swi fananisa dyandza ra ntumbuluko ni ra ximoya.



<sup>35</sup> Vudyoho niku pfumala ripfumelo, hi vadyondzisi va mavunwa ni va ximanguva lawa ekerekeni, kutani ku tisile ndhawu eka kuta loku, ku avanyisa loku ku taka. Swingaleswi va hundzukele Rito ra Xikwembu ni muprofeta wa Xona, va ya eka ntivo-vukhongereri bya ximanguva lawa ematshan'wini ya Rito.

<sup>36</sup> Mi swi xiysisisa lahawani, ntsena swi le ka karhi lowu minkarhi hinkwayo Xikwembu xi pfuxaka swin'wana. Hikuva, Xona, minkarhi hinkwayo, a Xi endli nchumu ku kondza Xi sungula hi ku swi paluxela vanhu ku sungula, nakona minkarhi hinkwayo Xi swi paluxa hi malandza ya Xona.

<sup>37</sup> Sweswi, kambe Eliya, hi nkarhi lowu, a ri ni ndhawu ya xihundla leyi Xikwembu xi nga n'wi hlawulela yona leswaku a ya eka yona. Walowo i nchumu lowu hi lavaka ku wu vona hi nga se ya eka layini ya xikhongelo. Eliya a ri ni ndhawu ya xihundla leyi a nga nyikiwa yona hi Xikwembu xona hi Xoxe. Sweswi, kereke a yi kalanga yi n'wi nyika yona, hosi a yi kalanga yi n'wi nyika yona, a nga kalanga a ti nyika yona yena hi yexe, kambe Xikwembu xi nyikile Eliya ndhawu ya xihundla laha a nga ta phameriwa kona nkarhi hinkwawo hinkarhi wa dyandza, laha swakudya swa yena a swi tisiwa siku na siku. A swi kali swi n'wi hlamarisa leswaku ku ta humelela yini mundzuku kumbe ku hlamala hiloko ku phamela ku kayivela. Xikwembu xi teri, "Ndzi lerisile mawukuwuku leswaku ya ku phamela." I nchumu wa kahle njhani, xifaniso xa ndhawu ya xihundla xa hina eka Kreste.

<sup>38</sup> Loko khansele ya misava hinkwayo ni hinkwaswo leswi swi yaka emahlweni namuntlha, leswi swi nge, "Masiku ya masingita ya hundzile." Matimba lawakulu ya Xikwembu ya humesiwile eka tikereke. Ti tikomba tani hiloko, ka hari hava nchumu, va hava nchumu handle ka "koporo leyi yi chayaka na tisambala leti ti bananaka." Ha swi tiva leswaku sweswo i ntiyiso. "Kutani va va ni nghohe ya vukhongereri, kambe va ri karhi va ala Matimba ya byona."

<sup>39</sup> Swa ha fana ni leswi Davida a swi endleke mixo lowu, hi makalichi ya tihavi, a tsutsumela ekule na Rito. Loko Rito ra ha humesiwile va nyikiwa rona, a va nga Ri lavi; swingaleswi, va Ri balekerile.

<sup>40</sup> Sweswo hi leswi vanhu lava va nga swi endla emasikwini ya Eliya, va fambele ekule na Rito. A va ehleketa leswaku va na Rito, kambe a va nga ri na Rona. Swingaleswi xiysisani eka . . .

<sup>41</sup> Hi nkarhi lowu a Xi ya eku xupuleni ka loyi a nga riki mupfumeri, Xi endlerile mupfumeri ndlela. I nchumu wun'we lowu Xi wu endlaka nkarhi wun'wana na wun'wana. Emasikwini lawa a Xi ya eku hlaseleni ka misava hi mati, Xi endlerile Nowa ndlela yo baleka. Emasikwini lawa a Xi ya

eku ndondoveteleni ka Egipta, Xi endlile ndlela yo baleka yo tsemekanya lwandle eka vanhu va Xona. Hilaha Xikwembu xi yi endlaka ha kona ndlela ya Xona! Nakona laha ku nga riki na ndlela, hi Xona Ndlela ya leyo. Hi Xona Ndlela ya leyo!

<sup>42</sup> Sweswi ha swi tekela enhlokweni leswaku hi kongomanile na...yin'wana ya tiawara letikulu leti matimu yo ka ya nge si tshamaka ya yi tiva. Kahlekahle a hi nyimpi leyi nga emahlweni leyi yi nga na timizayili leti to voninga tihatimaku, ni nhloko leyi yi nga eka tona, leyi hi nga yi chavaku. I tikereke leti hi nga ti chavaku. I awara leyi hi hanyaka eka yona leyi hi fanelaka ku yi hlalela.

<sup>43</sup> Sweswi xiyisisani, kambe Xikwembu xi endlile ndlela ya Eliya yo baleka ha yona. Xi tlhela xi endla ndlela ya vana va Xona lava va pfumelaka ku swi balekela sweswi, vukarhi ni swin'wana leswi swi nga tata.

<sup>44</sup> Hikuva, Xikwembu a xi nge swikoti ntsena ku avanyisa vanhu lava niku va rhumela nkhave, niku mbombomerisa Sodoma na Gomora, niku mbombomerisa Kapernawume exikarhi ka lwandle, niku sola tinxaka leti, na Sodoma na Gomora, kutani na hina loko hi endla swo fana hi ti seketela hi swona. Ntsena hi tava hi ri na ntiyiso wa ku avanyisiwa tani hilaha na vona a va ri na ntiyiso wa ku avanyisiwa. Sweswi a hi swi xiyisisa sweswo leswaku...

<sup>45</sup> Loko swilo leswi swi humelela, ku kongoma ka ximanguva lawa ka siku lero, Xikwembu xi pfuxile wanuna hi siku lero, kumbe ku pfuxa wanuna, kumbexani, ku lwisana ni matimba, nakona a va nga ta swi yingisela. A va ehleketa leswaku u hlangane nhloko, "U lahlekewile hi miehleketo ya yena. A ri ntsena munhu wo dyuhala la fambulaka, a mphutisiwile hi le mananga, muxaka wa movabyi wa nhova." Kambe, hambiswi ri tano, a ri na Rito ra Hosi.

<sup>46</sup> "Rito a ri nga vuli swona leswi a Ri swi vula," va ha vula na namuntlha. "Oho, kunene, Bibe le i buku ya matimu." Ndza pfumela leswaku mi swi vonile leswi, leswi sweswi va swi koxaka, leswaku, "Evha a nga dyangi apula, va dyile..." Kambe i yini? Ndza pfumela... "A kuri pyere," va vula tano sweswi. "A kuri pyere." Kutani swingaleswi, leswaku, "Muxe a nga tisanga vana hi le Lwandle ro Tshwuka. A kuri na nyandza leyikulu ya tinhlanga, ehenhla emakun'wini ya lwandle, kutani u fambe hi le lwandle ra tinhlanga." Swingaleswi mati ya swi endlise ku yini, m-a-t-i, ya vumbana hi matlhelo ya mbirhi; va famba hilaha ku omeke, kwalaho? Oho, thyaka ro kotisa lero! Kambe, ma swi vona, swi teka siku ra muxaka walowo ku tisa vukarhi bya Xikwembu ehansi ehenhleni ka vanhu. Swa byi tisa.

<sup>47</sup> Va ri ku hava swo fana—fana ni sweswo...Hambiswi kuri vanhu va kereke a va pfumeli eka mahlori. "Ndzi ta ku nyika

gidi ra tidolora,” va vula tano, “ndzi endlele mahlori. Ndzi endlele mahlori!” Kunene, va ngaka va nga ma voni loko kuri na khume ra magidi wa swilo leswi swi endlwaka emahlweni ka vona. Hikokwalaho ka yini, vona, a va ya voni.

Mi ri, “Sweswo hi leswi swi nga endlekiki.” Oho, ee, a swi tano.

<sup>48</sup> Eliya nkarhi wun’wana u yile eka Dothan, kutani vuthu ra Siriya ri tile ri ta rhendzela doroba, ku n’wi teka, hikuva a va switiva leswaku ma—ma matimba ya tiko ya le kwihi, a ya ri eka muvoni ya loye. Hikokwalaho ka yini, hosi . . . Un’wana wa vanhu u byerile hosi ya Siriya, a ku, “Hikokwalaho ka yini, maswitiva, Eliya wa muprofeta, wa mu Tishbi, u byela hosi ya Israel leswi u nga vulavula hi swona swa xihundla endlwini.”

<sup>49</sup> Yi ku, “Fambani mi ya teka munhu yaloye! Ya loye i makwerhu loyi a hi pfalelaka.” Nakona vuthu hinkwaro ra Siriya va rhetemuka va ya rhendzela Dothan. Hinkwavo a va ri rhendzerile.

<sup>50</sup> Kutani Gehazi, na—na nandza wa muprofeta, u pfukile a ku, kutani a ku, “Oho, tatana wa mina, vuthu ri hi rhendzele hinkwerhu lahawani. Hi rhendzeriwile hi ku hetiseka.”

<sup>51</sup> A ku, “Hikokwalaho ka yini, lava va nga na hina va tele kutlula lava va nga na vona.” Wa vona?

Hiloko Gehazi a halahala, a ku, “A ndzi voni munhu.”

<sup>52</sup> A ku, “Hosi Xikwembu, pfula matihlo ya jaha leri.” Hiloko matihlo ya yena ya pfuleka, kutani swiganga hinkwaswo a swi tele hi Tintsumi na tigelonyi leti nga tshama ti rhendzela, Matimba lawa ya nga voniwiki.

<sup>53</sup> Hiloko Eliya a huma a ya kwalahaya, kutani Bibeke yi teri, “Xi va pfarile mahlo.” A famba a ya eka vona; a va ri mabofu eka yena. A huma a fika a ku, “Mi lava Eliya ke?”

A ku, “Ina, hi le ku laveni ka yena.”

<sup>54</sup> A ku, “Tanani, ndzi ta mi byela leswaku u le kwihi,” kutani a va yisa laha va nga va tumbelela kona, ku kongomana ni laha mavuthu ya nga huma ya va khoma.

<sup>55</sup> Sweswi, Bibeke yi teri, “Xi va pfarile mahlo.” Sweswo swa swi tshamisisa. Nakona vanhu va pfalekile mahlo eka swa ximoya namuntlha, hambi Hosi Xikwembu xi xikela ehansi exikarhini xa vanhu xi fika xi endla swin’wana na swin’wana, ni leswi Xi nga swi tshembhisa, hambi swi ri tano a va Swi voni. I mabofu eximoyeni; a va xitivi Xikwembu, a va ma tivi Matimba ya Xona lamakulu. Sweswi, hi swi tekela enhlokweni leswaku va endlile sweswo emasikwini ya Eliya, nakona va ha swi endla ni namuntlha. Xikwembu xi va bile va pfaleka mahlo. Va ri namuntlha, leswaku, “Ku hava mahlori, ku hava swo fana ni sweswo, hinkwawo lowu kova nyanyuku.”

<sup>56</sup> Kutani va vurile swo fana hi Eliya, hikuva loko a tava a vutleriwile ehenhla kutani Elixa a teka ndhawu ya yena, wanuna lontsongo, a famba a ri na mpandlha, a ri lontsongo, vana va tsutsuma va n'wi sala hi le ndzhaku, va ku, "Mudyuhari wa mpandlha, hikokwalaho ka yini u nga tlhandlukanga na Eliya?" Wa vona, a va nga Ri pfumeli hambu kuri ku ri pfumela ekusunguleni, vanhu, endzhaku kaloko ku endlwile swo tala. Kutani wanuna loyi wa kahle wa Xikwembu u tlhandlukisiwile a ya Tilweni hi golonyi ya ndzilo, nakona vanhu hambu swi ri tano a va Swi pfumeli. Nakona a va ri na swihlangi nyana swa vona swi tsutsuma swi sala hi le ndzhaku ka wanuna loyi swi ku, "Mudyuhari wa mpandlha, hikokwalaho ka yini u nga tlhandlukanga?" Wa vona? Kutani hiloko muprofeta a rhukana vana lava, hiloko berhe ya xisati yi ta yi ta dlaya makume mune-mbirhi wa swona.

<sup>57</sup> Sweswi xiyisisani. Namuntlha, tani hiloko swi sungurile, va vekela tinhlamuselo leti ti nga ta vona eRitweni. Sweswi, loko va lava ku endla sweswo, sweswo swi le ka vona, kambe va ringeta ku hi endla leswaku hi swi pfumela. Bibeke yi vule tano, "Rito leri ra Xikwembu ri hava ku tolokeriwa kun'wana ka xihundla." Xikwembu xa ti tolekela Xona N'winyi. Xikwembu xa ri tiyisisa Rito ra Xona, nakona sweswo hi kona ku toloka ka Rona. Tani hilaha minkarhi yo tala ndzi nge, Xi teri emasunguleni, "Lahaya a kuve niku vonakala," kona kwalahaya ku vile niku vonakala. Sweswo a swi nga kali swi lava ku tolokeriwa; swi humelerile. Xi ku, "Wanhwana u ta tika," u swi endlile. Xi teri Xi ta "chela Moya wa Xona," Xi swi endlile. Kutani Xi ku, "emasikwini yo hetelela," swilo leswi Xi nga ta swi endla, nakona Xi le ku swi endleni! A swi kali swi lava ku tolokeriwa; Xikwembu xi le ku ti tolekeleni Xona hi Xoxe. A swi na mhaka leswaku vanhu va swimphuta va ri yini, sweswo a swi kali swi sivele Xikwembu na swintsongo.

<sup>58</sup> Loko Yesu a ha ri emisaveni, A ri na votala lava a va nga ri vapfumeri lava a va kwetlembetana ni lava hi nga na vona namuntlha, kumbexani ku tlula. Kambe a swi kalanga swi N'wi yimisa; U yile emahlweni a ri karhi a tirha a yisa emahlweni ntirho wa Yena, nakona Xikwembu a xi tiyisisa hinkwaswo leswi A swi endla. U teri, "A ndzi Ndzexe. Tatana wa mina na Mina hi un'we; U tshame eka Mina. A hi Mina loyi a endlaka mintirho, i Tatana loyi a nga eka Mina. Kutani loko Ndzi nga tirhi mintirho ya Yena, mi nga Ndzi pfumeri; kambe loko Ndzi endla mintirho hambu swi ri tano mi nga Ndzi pfumeli, pfumelani ha yona mintirho." Wa vona? Hi marito man'wana, va . . . "Lavisisa Matsalwa," U teri, "laha eka wona miehleketaka leswaku mi ni Vutomi lebyi nga Heriki, swi hi kutiva Matsalwa. Nakona Matsalwa, wona hi Woxe, ya vula vumbhoni ha Mina." Amen! I xitatimente xa njhani! "Hi wona, Matsalwa, lawa ya mi byelaka leswaku Ndzi Mani," ku vule Yesu.

<sup>59</sup> Kutani i Matsalwa lawa ya hi byelaka hi awara leyi hi hanyaka eka yona. Ni hinkwaswo leswi mi swi vonaka swi endlekala, i Xikwembu hi Xoxe exikarhini ka vanhu va Xona. Kuhava lexi xi nga pfuxaka vafi handle ka Xikwembu. Kuhava lexi xi nga endleka swilo leswi Xi swi endlaka sweswi handle ka Xona. Hikuva Bibe le yi teri, “Hi yena tolo, namuntlha, ni hilaha ku nga heriki.”

<sup>60</sup> Sweswi ha ku vona ku kongoma ka vanhu va ximanguva lawa, swingaleswi, “Oho, masiku ya hundzile, ku hava swo fana ni sweswo va nge i mahlori. Vanhu hinkwavo va pfuxiwa hi nyanyuko wa vona.”

<sup>61</sup> Yingiselani eka Eliya yaloye, wa muprofeta, u le ku huweleleni a lwisana na vona ni va ntivo-vukhongereri. Xiyisisani, xiyisisani, a vulavula tani hiloko a ri Xikwembu xona hi Xoxe. Eliya a vulavula tani hiloko a ri Xikwembu xona hi Xoxe, “A ku nge hevi namberha leyi yi humaka etilweni ku kondza ni yi vitana.” Amen! Ina, nkulukumba. Muprofeta u yimile nkarhi wo leha eka Vukona bya Xikwembu!

<sup>62</sup> Vaprofeta va Testamente ya Khale, kumbe nkarhi wun’wana, loko va hanya eVukoneni bya Xikwembu kufikela laha va vaka Rito, Hungu ra vona i Rito hi Roxe. Kutani, tsundzukani, u vule, “LESWI HOSI YI SWI VULAKA.” Kutani loko vavanuna lava va tava va vile na mahungu lawa ya humaka eka Xikwembu, kutani va va lava va phutseriweke eka ku ehleketa loku ku nga ka vona . . . Swi nga ha endleka Ri lwisanile niku ehleketa ka vona, swi nga ha endleka va nga swi kotanga ku—ku ri vona kahle. Kambe a vari eku vulavuleni ka Rito ra Xikwembu, “LESWI HOSI YI SWI VULAKA.”

<sup>63</sup> “A ku ngevi na mpfula ku kondza ni yi vitana.” Oho, i xitatimente xa njhani! A ri eka Vukona bya Xikwembu lebyi byi nga tlhela byi tiyisiwa hi vumbhoni hi ku hetiseka. Kutani, tsundzukani, nakona sweswo swa ha landza Amos 3:7, “Hosi Xikwembu xi ngaka xi nga endlil nchumu ku kondza Xi sungula hi ku swi paluxela malandza ya Xona ya vaprofeta.” Xi teri, “A ku ngevi na mpfula!” Xi sungule . . .

<sup>64</sup> Va n’wi hlekile, a va ehleketa leswaku u hlangane nhloko, “Muhoxi ya loye!” Kambe, wa vona, a ri ni LESWI HOSI YI SWI VULAKA leswaku mpfula a yi yi ekuneni. Nakona, Xikwembu, a nge se swi endla sweswo, Xi swipaluxele Eliya nandza wa Xona. Nakona a ri ni vumbhoni lebyi khorhwisaka, muprofeta loyi a kambisisiwile, swingaleswi vanhu a va fanele va hundzukile. Kambe, ematshan’wini ya sweswo, va n’wi hlekile, va ku, “Oho, hi ni mpfula yo tala! Mathangi ya tele. Milambu yi le ku khulukeni kahle.”

<sup>65</sup> Bibe le yi vule leswaku, “A ku ngevi na mberha ku ringana malembe ya nharhu na tinhweti ta ntsevu.” Swinambyana hinkwaswo swi phya mati, hinkwako. Kwalaho a ku nga ri

yena wanuna ya loye, kwalaho a kuri Xikwembu xi vulavulaka hi wanuna ya loye. Kwalaho a kuri “Mina” loyi a ri kona. Minkarhi hinkwayo ha switiva. Swingaleswi u . . .

66 Hi kuma leswaku loko wanuna a ta, a rhumiwile hi Xikwembu, a xiximiwile hi Xikwembu, ni LESWI HOSI YI SWI VULAKA swa ntiyiso, hungu na murhumiwa i van’we va tlhela va fana. Hikuva u rhumeriwile ku ta yimela LESWI HOSI YI SWI VULAKA, Rito hi Rito, swingaleswi yena na hungu ra yena i van’we.

67 Wanuna wa xidinominexini ehansi ka vukamberi bya xidinominexini, yena na kereke i “van’we.” N’wa ntivo-vukhongeri ehansi ka ntivo-vukhongeri, la endliweke hi dinominexini yin’wana, yena na hungu ra yena i van’we; kereke ya ntivo-vukhongeri, n’wa ntivo-vukhongeri. Hi swona.

68 Kutani loko wanuna a ta na LESWI HOSI YI SWI VULAKA, yena na Hungu i van’we. Ni loko Eliya a ta ni LESWI HOSI YI SWI VULAKA, yena na hungu ra yena va va un’we. Ntsena tani hi Yesu, loko Yena a ta, A ri Rito, Mukwetsimi Yohana 1. Swingaleswi Rito ra Xikwembu na murhumiwa wa nguva a kuri nchumu lowu wu nga wun’we, nkarhi hinkwawo. Hi swona sweswo.

69 Yesu a ri Rito leri a ri profetiwile. A ri leswi vaprofeta va nge teri swi ta humelela, “Wanhwana u ta tika a tswala N’wana loyi.” Endzhaku emasunguleni, Xikwembu xi va byerile, Xi ku, “Mbewu ya wansati yi ta faya nhloko ya nyoka, kutani yena yi ta n’wi luma xirhende.” Hinkwabyo vuprofeta lebyi byi nyikiwile. Davida a rila, hinkwavo ka vona vaprofeta ehansi eka tinguva, va vulavule hi Yena. A ri Rito lero ri kombisiweke! Haleluya!

70 Sweswi ma ku vona xana laha ndzi ringetaka ku mi yisa kona? Ndzi vulavurile na n’wina erivaleni ku saseka mixo lowu. Xana a mi byi voni vuhosi bya Xikwembu xa Kereke leyi yi hanyaka, ku nga Mutekiwa? Vavabyi va hanyisiwile, vafi va pfuxiwile, swilema swa famba, mabofu ya vona, Evhangeliki yi ya emahlweni hi matimba ya Yona, hikuva Hungu ni murhumiwa i van’we. Rito rile Kerekeni, eka munhu.

71 Rito ra Xikwembu ari ri eka Eliya loko a famba ehenhla lahaya ni LESWI HOSI YI SWI VULAKA, kutani a ku, “A ku ngevi na mpfula.” Ya loye a ku ngari Eliya; xexo a xi ri Xikwembu lexi a xi ri eka Eliya.

72 Ndzi tshamela ro vula minkarhi yo tala, ku kotisa wanhwana wa Mukreste wa Sayense loyi a nga ndzi byela nkarhi wun’wana. Ndzi swi vurile minkarhi yo tala. A ku, “Nkul. Branham, u tshamela ro themhendela Yesu nkarhi hinkwawo.”

Ndzi ku, “Ndza tshembha ya leyo hi yona nhlamulo ntsena leyi ni nga na yona ya sweswo.”

Hiloko a ku, “U ringeta ku N’wi endla Vukwembu.”

Ndzi ku, “Hi Yena Vukwembu.”

<sup>73</sup> A ku, “Oho, A ri muprofeta, A ri wanuna wa kahle, kambe A nga ri Vukwembu.”

<sup>74</sup> Kutani ndzi ku, “Kunene, ndzi kombeti Matsalwa man’we lawa ya kombisaka leswaku Yena a nga ri byona.”

<sup>75</sup> A ku, “Eka Buku ya Mukwetsimi Yohana, yi vule leswaku U ‘ririle’ loko A tava a yile esirheni ra Lazaro.”

<sup>76</sup> “Kunene,” ndzi ku, “hakunene, U ririle. A ri havumbirhi munhu ni Vukwembu. A ri munhu, loko a rila; kambe A fanele a va Xikwembu leswaku a pfula mufi.” Hi swona. Ndzi ku, “A ri munhu, a twa ndlala; kambe A ri Xikwembu loko a phamela magidi ya ntlhanu, hi makhekhe nyana na tinhlampfi ta ntlhanu.” Hi swona sweswo. “A ri munhu, loko a ta etlela endzhaku ka byatso; kambe a kuri ni Xikwembu eka Yena lexi xi nga rhurisaka mati.” Hikokwalaho ka yini xana? Yena na Hungu ra Yena a vari un’we.

<sup>77</sup> U teri, “Mina na Tatana wa Mina hi un’we. Tatana wa Mina u tshame eka Mina.” Hi Yena ku hetiseka ka mirhi wa Vukwembu.

<sup>78</sup> Ndza ehleketa leswaku a swi ri eku fayeni siku rin’wana, loko ndzi tava ndzi ri karhi ndzi tisa *Tinguva Ta Nkombo Ta Kereke*. Ku sungula hi tona, ndzi—ndzi ngaka ndzi nga swikoti ku humesa Yesu loyi a yimeke lahaya na vona. . . niku basa loku a kuri eka Yena tani hi sweswo, ndzi ku, “Misisi ya Yena a yi ri yo basa kukotisa wulu.” A ndzi swi twisisi leswaku swi nga endlekisa ku yini leswaku wanuna wa malembe ya makume nharhu-nharhu hi vukhale a ngava a basile ku kotisa gamboko.

<sup>79</sup> Ndzi vitanile mutokoti wa ntivo-vukhongereri, mutokoti wa ntivo-vukhongereri wa Pentekostal, munghana la rhandzekaka wa kahle. Kunene, a kuri Makwerhu Jack Moore. U ni malwandla, wanuna wo tlhariha. U teri, “Makwerhu Branham, yaloye a ri Yesu la kwetsimeke. Sweswo hi leswi A langutekisa xiswona endzhaku kaloko A kwetsimisiwile.” Ee, ndzi ngaka ndzi nga swi pfumeli sweswo. Ee.

Ndzi—ndzi—ndzi ku, “Kunene, Makwerhu Moore, ndza ku khensa.”

<sup>80</sup> Ndzi nghanile ekamareni lahaya kutani ndzi vulavula na Xikwembu. Ndzi pfurile khonkhodense ya mina kuya Xi teka ni xi tlherisela endzhaku eka Daniel, laha yi nge, “Kutani u tile eMasikwini ya Khale laha misisi ya Yena a yi ri yo basa tani hi wulu.” Ndzi ku, “Hosi, a ndzi—ndzi—ndzi tivi leswaku ndzi ta



vula yini, nakona ndzi ni vu tihlamuleri.” Sweswi, kwalaho a ku nga se fika nko- . . .kutani tsundzukani, ku nga se pfuriwa Swilemo Swa Nkombo, kwalomu ka lembe kumbe kutlula, swi nga se pfuriwa. A ndzi ri eku khongeleni kwalahaya, “Hosi, a kuri yini xana?”

<sup>81</sup> Kutani ndzi langutile, loyi a yimeke emahlweni ka mina, kutani kwalahaya a ku yimile wanuna nakona a ri muavanyisi, kutani ari ni wigi yo basa leyi a yi ambarile. Va avanyisi va khale va masiku ya khale a va toloverile ku ambala wigi yo basa ku kombisa leswaku u ni matimba ya le henhla.

<sup>82</sup> Kutani loko ndzi ta vona Yesu a ri na wigi yo basa, niku ntsena yi tiyisisa ntiyiso lowu hi wu tivaka, leswaku hi Yena wa Matimba ya le Henhla. Xikwembu xi mbhonyerile swo fana eNtshaveni ya Nkwetsimo, Xi ku, “Loyi i N’wananga loyi Ndzi n’wi rhandzaka, N’wi yingiseni, Matimba ya le Henhla!”

<sup>83</sup> Kutani endzhaku lahaya emasunguleni ya Swilemo Swa Nkombo, loko Tintsumi leti ta nkombo ti ta xikela ehansi hi xivumbeko xa phiramidi, u yimile lahaya a ndzi byela leswaku ndzi tthelela endzhaku ni ya vulavula hi Swilemo leswi swa Nkombo, nakona U tava na mina, U ta ndzi komba leswaku hi swona yini, swilo leswi swi lahlekeke. Minkarhi hinkwayo ndzi tshamela ro ehleketa leswaku swi lemeriwile emakun’wini ya Buku nakona kutava kuri swin’wana leswi swi nga tsariwangiki eBukwini, kambe yi humesiwile leswaku yi tiviwa leswaku A ngaka a nga swi endlisweswo. A hi swin’wana leswi swi tsariweke eBukwini. . .Hi swin’wana leswi swi nga tumbetiwa eBukwini. “Kutani loyi a nga ta hunguta Rito rin’we eka Yona kumbe ku engetela rito rin’we eka Yona. . .” Swingaleswi i xihundla lexi a xi ri eBukwini eka tinguva leti ta nkombo. Yin’wana na yin’wana ya tona yi—yi humesa xihundla, lexi xi nga eka nkhuvalo wa mati ni swilo leswin’wana leswi va nga fambula nkarhi wo leha.

<sup>84</sup> Kutani loko sweswo swi humelela, va kamberi lavakulu lava va humaka eCalifornia, va pimile va ri eMexico, kuya eTucson, hinkwako, va ri karhi va teka xifaniso xa Kona. A kuri xihundla lexi a xivoniwa. Makwerhu Fred Sothmann kwalahaya, a tshamile endzhaku kwalahaya, na mina na Makwerhu Gene Norman, hi yimile kwalahaya loko Ri ya ehenhla. Va tekile xinepe, hambi swi ri tano a va switivi leswaku a ku humelela yini ha swona. Lahawani eka nkarhi wun’wana lowu wu nga hundza, un’wana na un’wana a ku, “Langutani lahawani. Leswi swi languteka ku kotisa *leswi*, ni timpapa ta Tintsumi ta kona, hilaha ti nga khondlekisa xiswona kwalahaya.”

<sup>85</sup> Siku rin’wana, loko ndzi xi hundzuluxela exineneni, ni xilangutisa, a kuri na Yesu Kreste ntsena hi ku hetiseka tani hi Hofmann loyi a nga tshama a N’wi pfapfarhuta. A xi

yimile lahaya na wigi yo basa ehenhla, a languta endzhaku ehansi emisaveni, a ri karhi a kombisa leswaku hi Yena wa Matimba ya le Henhla. Matilo ya swi hlambanyile, Bibeledi yi swi hlambanyile, Hungu ri swi hlambanyile, hinkwaswo ku fanana. Matimba ya le Henhla, ni wigi yo basa ehenhla; ma ya vona malebvuni ya Yena ya ntima ehansi. Votala van'wina mi xi vonile xifaniso. Hi na xona endzhaku lahaya. Ntsena xi hundzuluxeleni exineneni, hi le matlhelo, mi xi languta. Hi luya kwalahaya, ntsena hi ku hetiseka tani hilaha a swi ri xiswona, loko ku tava ku fodiwile Yena. Va xi languta hi engele leyi nga hoxeka. Mi fanele ku xi languta hi engele leyi yi nga kahle. Nakona i Hosi Xikwembu ntsena lexi xi nga paluxaka leswaku hi yihi engele leyi yi nga kahle. Xi hundzuluxeleni exineneni xa n'wina kutani mi xi languta. Hi luya kwalahaya, ntsena hi ku hetiseka, xi fodiwile ehenhla lahaya.

<sup>86</sup> Ro sungula loko ndzi ta N'wi vona, A languteka ku kotisa *Nhloko ya...* Hofmann. A ndzi nga se tshama ndzi xi vona xexo. Nakona eka tabernakele ya Billy Sunday, endzhaku ka malembe, ndzi xi vonile. Yindlu ya mina a yi nga se tshama yi va ni xifaniso na xin'we.

<sup>87</sup> Kutani, lahawani eswibakabakeni, ndzi vula leswaku Xikwembu xexiya ndzi nga tshama ndzi xivona eka xivono lexi xi humaka lahawani, ntsena ndza ha ri xijahetana lexintsongo lahawani ekusuhi ni laha ku nga yima yindlu leyi ya xikolo, A langutekisa xisweswo. Kutani lahawani eMatilweni, endzhaku kaloko ku hundzile malembe ya makume nharhu-nharhu, wa swi hlambanya, leswaku i ntiyiso. Yaleyo hi yona ndlela leyi A langutekisaka xiswona; ku nga ri xihundla xin'wana xa miehleketo ya un'wana.

<sup>88</sup> Ku kotisa eVatican, va ni—ni—ni Kreste loyi a nga dirohiwa kwalahaya, a ri na ringi nyana leyintsongo yo basa ya malebvuni kumbe ringi ku rhendzeleka hi xilebvuni xa Yena, kwalomu ka hafu ya inci hi ku leha, ya rhendzeleka hi le henhla ka nomu wa Yena kutani ku kotisa *leswi*, va tlhela va xivitana Kreste.

<sup>89</sup> Sweswo swi ndzi veka eka miehleketo ya mupfapfarhuti wa Mugriki ndzi nga tshama ndzi n'wi vona nkarhi wun'wana eka khathedrali ya khale, a kombisa leswi Adam na Evha a va langutekisa xiswona; a va languteka tani hi swivandzana kumbe swin'wana. Yaleyo hilaha miehleketo ya xinyama yi nga ha kota ku twisisa swa ximoya. Ndzi ehleketa leswaku Adam a ri wanuna wa mbhurhi kutlula wanuna la nga tshama a hanya, nakona Evha a ri wansati loyi a hetisekeke eka ndlela hinkwayo.

<sup>90</sup> Sweswi miehleketo ya xinyama yi phutsela Nchumu eka miehleketo leyi yi nga ya vona, kutani Xikwembu xi rhumela ehansi niku phurumula Nchumu hi Matimba ya Xona. Sweswo hi leswi hakunene swi humeleleke emasikwini ya Akab.

<sup>91</sup> Sweswi, hi kuma leswaku Eliya a nga ha vula sweswo hikuva Hungu ra awara na Rito ra Xikwembu. . . Murhumiwa, Hungu—Hungu, na Rito, a kuri leswi swi nga nchumu wun’we. Muprofeta, Rito, Hungu; murhumiwa, Hungu, na Hungu, a swi ri nchumu wun’we. Yesu u teri, “Loko Ndzi nga yi tirhi mintirho leyi yi tsariweke hi Mina, swingaleswi mi nga Ndzi pfumeli.” Sweswo swi kahle. Munhu un’wana na un’wana na hungu ra yena i van’we.

<sup>92</sup> Sweswo hi swona swi endlaka leswaku namuntlha va nga pfumeli eka ku endla mintirho ya Xikwembu, hikuva a va ri amukeli Hungu ra Xikwembu. A va ri pfumeli Hungu.

<sup>93</sup> Kambe lava va pfumelaka eka awara ya Xikwembu leyi hi hanyaka eka yona, swilo leswiwana i Swakudya leswi swi nga fihliwa. Ntsena ehleketani, Xikwembu xi Swi fihlile leswaku loko va Swi languta va nga Swi voni. Ku kotisa hilaha Eliya a pfaleke mahlo ya vuthu ra Siriya. Kahari ndlela yin’we leyi Xikwembu xi pfalaka la nga pfumeriki eka Swakudya swa xiviri swa ntiyiso swa n’wana, ku nga mupfumeri.

<sup>94</sup> Hilaha va vitaneke Nowa, “rihlanyi,” loko a aka ngalava, mahlo ya yena a ya pfulekele Rito ra Xikwembu na xitshembhiso. Swo fana ni leswi va nga swi vitana vuhlanyi, byi ponisile Nowa na ndyangu wa yena. Wa vona, swo fana. Swilo sweswi vanhu va swi hlekaka, hi leswi hina hi swi khongelaka. Nchumu lowu vanhu va nga wu vitana “ku penga,” hina hi wu vitana wa “Kahle!” Leswi misava yi swi vitanaka swa “kahle,” Xikwembu xi swi vitana “vumphuta.” Ni leswi misava yi swi vitanaka “vumphuta,” Xikwembu xi swi vitana leswi swi nga “Kahle!” Swo va ntsena swilo swimbirhi leswi swi hambanaka exikarhi ka Leswinene ni leswo hoxeka. Yesu Krete hi yena tolo, namuntlha, ni hilaha ku nga heriki.

<sup>95</sup> Tsundzukani, u yile endzhawini ya yena ya xihundla hi makungu ya Xikwembu, hi ku vitaniwa hi Xikwembu, ni hi Rito ra Xikwembu. Eliya u nghenile eka ndhawu ya yena ya xihundla hi vutivi bya Xikwembu lebyo rhanga (makungu), niku vitaniwa ehenhleni ka vutomi bya yena, ni hi kuya hi Rito. Loko ya leyo yi nga ri yona ndlela leyi hi nghenaka hi yona, a ndzi switivi leswaku hi nghenisa ku yini kwalahaya.

<sup>96</sup> Kutani xiyisisani, loko dyandza ri nga se sungula, Eliya u yile eka ndhawu leyi ya yena ya xihundla leswaku a ya hanya kona. Xifaniso lexi xi fanaka loko ku avanyisa ku nga se sungula ku ba misava, Kereke yi tava yi vitaniwile, Mutekiwa khale a hlawuriwile, ntsena u lo yimela leswaku ku avanyisa ku ba ku sungula. Khale a languterile, a ri karhi a dya Swakudya swa Xikwembu, a ri karhi a tiphina hi minkateko ya Xikwembu. Munhu un’wana ni un’wana loyi a nga na miehleketo leyinene wa switiva leswaku hi kongome emahlweni, hi le ka awara yo avanyisa.

<sup>97</sup> Langutani! Makwerhu Banks, n'wina vavanuna vo hlaya mi nga lahawani madyambu lawa, n'wina mi yimeke ehandle lahaya eka ntshava liya mixo walowo.

<sup>98</sup> Kutani ndzi lava ku vulavula hi ntshava ya leyo, Sonto lowu wu taka ni mixo, loko Hosi yi swi rhandza. Yi na nhlavutelo lowukulu, swin'wana leswi swi yaka emahlweni laha swi ndzi hlulaka leswaku ndzi nga swivuli madyambu lawa. Kambe ndzi ni. . . Wa vona? Nakona ntsena swi tshamise xisweswo, nkarhi hinkwawo, xin'wana xi humelela endzhaku ka xin'wana. Wa vona? Swi ngaka swi nga yimi ku humelela, hikuva hi LESWI HOSI YI SWI VULAKA.

<sup>99</sup> Un'wana na un'wana wa n'wina lahawani, magidi ku andzisa hi magidi eka thepi, mi ndzi twile ndzi yima ndzi ku, "LESWI HOSI YI SWI VULAKA, swi tava xileswi na leswi." Kutani hambu kuri maphepha hungu na timagazini ta swi tiyisisa leswaku hi swona. A va switivi leswaku swivula yini, kambe va ri vonile. A va switivi leswaku ri yini, kambe va ri vonile, ku endlela Rito leswaku ri va ntiyiso.

<sup>100</sup> A hi yimile ehansi lahawani enambyeni, Ntsumi yaleyo ya Hosi yi xikerile ehansi hisiku lero, eka malembe ya makume nharhu-nharhu, kumbe 1933 akuri rona, u xikile a fika a vulavula swilo leswi A swi endleke. A famba, kutani vavanuna vo tala lava a va yimile eribuweni kwalahaya, va ku, "Sweswo swivula yini, Billy?"

<sup>101</sup> Ndzi ku, "Sweswo a swi ngari swa mina; sweswo a swi ri swa n'wina. Ndza pfumela; a mi pfumeli." Kutani va ya emahlweni niku famba.

<sup>102</sup> Kutani mufundhisi a ku eka mina, a ku, "U vula leswaku wena, ni dyondzo ya giredi ya nkombo, u ta famba na misava hinkwayo u khongelela tindhuna ni lava va matimba na tihosi xana? Kutani, oho," a ku, "Swi rivali!"

<sup>103</sup> Ndzi ngaka ndzi nga Swi rivali, Swi kanye ehenhla ka mbilu ya mina. Sweswi lahawani, endzhaku ka malembe ya makume nharhu-nharhu, hinkwaswo leswi A nga swi vula swi humelerile hi ku hetiseka hi ndlela leyi A nge teri U ta swi endlisa xiswona. Hi yena Xikwembu nakona a ngaka a nga hluleki. Minkarhi hinkwayo U hlayisa Rito ra Yena. U. . . Mi nga tshuki mi Ri kanakana.

<sup>104</sup> Sweswi, xiyisisani, u yile hi makungu ya Xikwembu (vutivi lebyo rhanga), ku vitana ka Xikwembu, ni Rito ra Xikwembu, kutani a ya a ya ngheha dyandza ri nga se ngheha.

Sweswi, ha switiva leswaku ku avanyisa ku tilulamisile ku lava ku ba.

<sup>105</sup> Ku yima exigangeni hi siku lero, Makwerhu Banks Woods a yimile lahawani, a hi ri karhi hi famba exigangeni. Kumbexani ndzi swi tshaha na kambe, leswaku swi ta aka

ripfumelo ra n'wina eka layini ya xikhongelo leyi yi nga eku lunghisiweni ka ku teka ndhawu eka leti ti landzelaka ta khume, khume ntlhanu wa timinetse. A ndzi ri eku fambeni emahlweni ka Makwerhu Banks. A ri...Ndzi ehleketa leswaku a siyile Sesi Ruby loko a ha ri eku vabyeni. Kutani a ta hile kusuhi na mina, ndzi tekerile enhlokweni xikandza xa yena, xo tshwuka. Ndzi languta endzhaku. A ndzi ehleketa leswaku xiganga xi nga ha n'wi tikela ku xi gonya, swingaleswi ndzi vuye ndzi nonoka. Kona emananga wa vona, ehenhla ka swiganga tani hi *sweswo*, kona laha Tintsumi ta Hosi ti nga humelela kona. A hi kongomile emahlweni eka tlhelo leriya kwalaho, laha ti nga humelela tinhweti tintsongo ku nga se fika sweswo.

<sup>106</sup> Kutani tani hiloko ndzi gonya xiganga, Moya wa Xikwembu...Loko ndzi hundzuluka, ndzi languta ehenhla ka ntshava, A ku, "Tlakula tamba lero, kutani i ku eka yena, 'LESWI HOSI YI SWI VULAKA, u ta vona ku Kwetsima ka Xikwembu eka tiawara tintsongo leti ti landzelaka.'"

<sup>107</sup> Ntsena ndzi tlakurile tamba, ni ku, "Makwerhu Banks, a ndzi tivi leswaku hikokwalaho ka yini," ndzi ri hoxa emoyeni, kutani ndzi ku, "LESWI HOSI YI SWI VULAKA, u ya eku voneni ka ku Kwetsima ka Xikwembu."

A ku, "Sweswo swivula Ruby?"

<sup>108</sup> Ndzi ku, "Ee, a ndzi ehleketa leswaku ku nga hava kuri ni leswi swi nga endlekaka ha wena, Banks kumbe Ruby, kumbe un'we. Ntsena ndzo ehleketa leswaku Ro tivulela ntsena leswaku, 'LESWI HOSI YI SWI VULAKA, swin'wana swi ya ekuhumeleleni.'"

<sup>109</sup> Kutani hi mixo lowu a wu landzela loko ha ha yimile kwalahaya, vuningi bya vavanuna, a ndzi tivi leswaku i vangani eka lava va nga tshama lahawani sweswi, a va ri khume mbirhi kumbe khume mune, khume ntlhanu wa hina lava a hi tshamile kwalahaya. Xikan'we kan'we, muministara a ta eka mina a ku, "Makwerhu Branham," a ku, "vito ra mina hi mina *So-na-so*." A ku, "A ndzi ri un'wana wa vaseketeri va wena eCalifornia."

<sup>110</sup> Ndzi ku, "Ndzi tsakile ku hlangana na wena, nkulukumba." Douglas McHughes. A ku, "Ndzi yena..." Ndzi ku, "Ndzi tsakile ku hlangana na wena." Ndzi tlhavulana mavoko na yena.

<sup>111</sup> A ku, "Kunene, sweswi, ndzi lava ku ku vutisa xivutiso." A ku...Roy Roberson, mutrasti lahawani; Makwerhu Woods, Terry na Billy, nakona, oho, Makwerhu McAnally, kutani a ndzi va tivi lava a va yimile hinkwavo lahaya. Na mina...A ku, "Ndzi lava ku ku vutisa swin'wana." A ku, "Xana Hosi yi tshame yi ku nyika swivono swo kotisa leswi xana?"

112 Ndzi ku, “Ina, makwerhu, kambe ndzi tile lahawani hi ku endlela ku swi tsutsuma, leswaku ndzi ta wisa.”

Kutani ndzi halaharile hinkwako tani hi *leswi*, kutani ndzi vona dokodela wa xidlhudhla a n’wi langutile, a ku, “Muf. McHughes, aleji leyi yi nga eka tihlo ra wena ku nga ri khale yi ta susa tihlo ra wena. Ndzi ku tshungurile ku ringana malembe ya mbirhi, kutani ndzi ngaka ndzi nga ha endli nchumu sweswi ha rona.”

Hiloko ndzi hundzuluka ndzi n’wi languta. Ndzi ku, “A wu ndzi vutisela yini sweswo, hikuva dokodela wa wena u ku byerile, siku rin’wana, ‘Leswaku aleji ya leyo yi le tinhlweni ra wena.’” A kuri exikarhi ka siku, kwalomu ka awara ya khume n’we, nakona a ambarile tinghilazi ta dyambu. Ndzi ku, “Xivangelo; a wu ambalanga sweswo hikokwalaho ka dyambu, swi hikokwalaho ka tihlo ra wena. U ku bye leswaku u ya eku ‘lahlekeriweni hi tihlo ra wena.’”

Kutani u sungurile ku rila, a ku, “Hi swona sweswo.”

113 Ndzi hundzulukile ndzi famba nakambe, ndzi khomile chovhele evokweni ra mina. (Kutani ndzi languta; ndzi n’wi vonile a yimile lahaya a ndzi langutile, mahlo ya yena ntsena a mahatima.) Ndzi ku, “Kambe LESWI HOSI YI SWI VULAKA, a wu nge he lahlekeriwi hi tihlo lero.” A ndzi ri karhi ndzi hlota na yena eka ku hela ka nguua loku, a nga ha vona ku antswa kutlula mina ni un’wana na un’wana loyi a nga etshungwini. A nga kalanga. . .

114 Kutani ndzi vonile manana lonkulu a hluvula milendze wa yena kutani a kokela ehenhla xikete hi hala tlhelo. A ku, “N’wananga, loko u vona Makwerhu Branham, u n’wi byela ata khongelela nenge wa mina.” Kutani ndzi langutile ehansi kwalahaya, ni lexi ntsongo. . .leswi swi langutekaka tani hi mabundu lawa a manembelela enengeni wa yena, hinkwawo.

115 Ndzi ku, “Manana wa wena i manana loyi a nga basa nhloko. ‘N’wananga,’ wa swi vona. U ku byerile u nga se suka, leswaku loko u ndzi vona, leswaku ndzi khongelela nenge wa yena. U na mabundu, ku kotisa, lawa ya nembeleleke ku rhendzeleka hi nenge wa yena.” A lava ku titivala.

A ku, “I ntiyiso walowo.”

Ndzi ku, “N’wi bye leswaku a nga vileli. Wu ta hola.”

116 Ndzi sungurile ku rhendzeleka. Hiloko ndzi twa Rito ra Xikwembu ri vulavula, ri ku, “Suka endleleni, hi xihatla.”

Roy Roberson a yimile lahaya, a ri karhi a tiva leswaku hi yena munhu wa khale wa nyimpi, ndzi tlhandlekile voko ra mina ekatleni ra yena, ndzi ku, “Makwerhu Roy, tumbela, hi xihatla hilaha u nga ta kota ha kona!”

A ku, “Mhaka i yini?”

Ndzi ku, “Suka endleleni! Tumbela!”

<sup>117</sup> Kutani ndzi sungula ku famba, ndzi veka chovhele ya mina ehansi, ndzi hundzuluka, ndzi hluvula xihuku xa mina. Kutani lahawani Xi ta, ku Kwetsima ka Xikwembu ku wela exihuhurini lexi xi nga handzula tlhelo ra ntshava tani hi sweswo, kutani yi buluka ku ninginikisa ndhawu tani hi sweswo, ku tsemeleleka swihlahla hi le henhla; ntsena ku ringana kwalomu ka nharhu kumbe mune, ntlhanu wa tifti ehenhla ka nhloko ya mina. Ku tlhelela endzhaku tani hi fanele ku kotisa sweswo; Ku balekile nakambe. Kutani, lahawani Xi ta, ka nharhu.

<sup>118</sup> Kutani loko Xi tava xi fambile, ra vunharhu, Makwerhu Banks a huma, a ku, “Sweswo hi leswi a wu vulavula hi swona xana?”

Ndzi ku, “Ina.”

A ku, “A kuri yini sweswiya?”

<sup>119</sup> Ndzi ku, “Xikwembu xi humelerile xi ri eka swihuhuri.” A ndzi switivi leswaku hambu Xi lava leswaku ndzi swi byela vanhu kumbe ndzi nga vuli.

<sup>120</sup> Swingaleswi ndzi yile emahlweni ndzi khongela nyana. Kutani Xi ndzi byela leswaku ndzi nga va byela. Ndzi ku, “I kuavanyisa ku baku West Coast.” N’wi languteni namuntlha! Languteni leswi swi nga humelela eka tiawara tintsongo endzhaku ka sweswo: Alaska yi mbombomerile. Kutani sweswi nchumu hinkwawo wu ya ehansi. Hi nghena eka ku avanyisa. Tintswalo ti fularherile.

<sup>121</sup> Kambe a ku khensiwe Xikwembu, hikuva hi ni Swakudya leswi swi fihliweke, Swakudya swa ximoya, laha hi hanyaka eka musa ni tintswalo ta nhlavutelo wa Yesu Krete eka masiku lawa yo hetelela, a tikombisaka yena hi Yexe exikarhini ka vanhu va Yena. Amen! Va ngenhile. Eliya u ngenhile dyandza ri nga se nghena. A ku khensiwi Xikwembu kuva hi ngenhile ku avanyisa ku nga se nghena. Sweswi i nkarhi wa ku huma hi ya nghena, hi huma eka minhlango leyi hi nghena eka Krete, ku humela ehandle niku nghena endzeni ka vapfumeri va ntiyiso.

<sup>122</sup> Kutani u vitaniwile, a ya tshama kwalahaya. Tsundzukani, a nga kalanga a sukela xinambyana xexo ku kondza Xikwembu xi n’wi vitana.

<sup>123</sup> Kutani endzhaku kaloko dyambu ri lava ku hela, Xi n’wi vitanile leswaku a huma kwalahaya, a ya endlwini ya noni. Xiyisisani, Xi n’wi vitanile leswaku a ya eka noni loyi. Nakona noni leyi a yi nga tihlanganisi ni lava va nga pfumeriki; ku teka mfungo wa xivandzana hinkarhi wa dyandza. Swingaleswi Xi n’wi vitanele ku...xi vitanile Eliya ku ya seketela noni leyi. A vari na khekhe rin’we ntsena, nchumu wun’we ntsena



lowu ntsongo lowu a va khomelele eka wona. Kutani Eliya a ku, “Ndzi nyiketi, kusungula. Hikokwalaho ka, LESWI HOSI YI SWI VULAKA, mbita ya leyo swi ngaka swi nga endleki yi ngavi na nchumu hambu kuri exikhutwini xi ngaka xi nga omi, kufikela siku Hosi Xikwembu xi rhumelaka mpfula ehenhleri ka misava.” Ku rhangisa Xikwembu ku sungula, Rito ra Xona ku sungula!

<sup>124</sup> Xiyisisani, a kuri na mapa embiteni. Nkarhi hinkwawo loko a teka mapa, a ku sala kuri na mapa a mbiteni. A kuri na mafurha exikhutwini, minkarhi hinkwayo loko a ma teka. Hikokwalaho ka yini? Mapa a ma yimela Krete eka ku nyikela ka mapa. Swigayo a swi tshama swi setiwile kahle, ku ta gaya yin’wana na yin’wana ya wona. Xigayo xin’wana na xin’wana xa mapa lawa a xi fana, ku kombisa leswaku hi Yena wa tolo, namuntlha, ni hilaha ku nga heriki. Loyi a ri Rito, Vuswa bya Vutomi lebyi byi landzelelaka hungu, ku tava vumbhoni bya Rito.

<sup>125</sup> Swingaleswi swi tano namuntlha, vanghana. Swingaleswi swi tano namuntlha, laha Vuswa bya Vutomi lebyi vana va nga byi dya, valandzelela Hungu ra Xikwembu, ni kuva tiyisa hi nkarhi wa dyandza. Ku nga humelela yini loko Xi nga yima evukoneni bya hina namuntlha xana? Ku nga humelela yini loko Xi nga yima evukoneni bya hina sweswi? Xi nga va na maendlelo niku endla hilaha Xi endleke hakona hi masiku lawa a Xi ri enyameni lahawani emisaveni. Mutekiwa i xiphemu xa Nuna, Kereke ya fanana na Krete. “Mintirho leyi ndzi yi endlaka mi ta yi endla na n’wina.” Nakona i Rito ri swi endleke. U hi byerile leswaku swilo leswi Yena a swi endleke na hina hi ta swi endla.

<sup>126</sup> Ha swi tekela enhlokweni nakambe lahawani, loko Rito ri ri eka hina nakona ri tile eka hina, tani hilaha Ri swi endleke Eliya hi siku lero, Ra ha ta endla swo fana ni leswi a swi endleke, a tava a ri karhi a phameriwa eka Swilo swa xihundla swa Xikwembu leswi nga fihleriwa misava. Oho! Nakambe, swi endla leswaku Hungu ni murhumiswa va va un’we. Swakudya swa ximoya swi lulamile, nakona Swi le ka nguva ya kona sweswi. Nakona un’wana na un’wana wa n’wina mi nga hava na swona Swakudya leswi loko mi Swi tsakela, loko mi tsakela ku yiva eka ku pfumala ku pfumela ka awara leyi, loko mi tilulamiserile ku ta eka Krete, tanani eka xitshembhiso xa yena.

Kutani tsundzukani switshembhiso swa Xona, eka Malakiya 4, Luka 17:30, nakambe nile ka Mukwetsimi Yohana 14:12, ni man’wana yo tala Matsalwa, lawa ya swivulaka, Yoel 2:38, ni hinkwaswo leswi Xi nga ta swi endla, kumbe 2:28, kumbexani, leswi Xi nga ta swi endla eka masiku lawa yo hetelela. Ni hilaha muprofeta a nga vula hakona leswaku ku

tava ni ku Vonakala eka masiku lawa yo hetelela, hilaha Ri nga ta tirha hakona, hilaha Ri nga ta endla hakona, hinkwawo Matsalwa ya kombeterile eka masiku lawa yo hetelela. Kutani kwalaho i Kreste! Loko mi nga ti tumbeta eka Yaloye sweswi, eka Ndhawu yaleyo ya xihundla, mi nga ha dya niku vona musa ni tintswalo ta Xikwembu. Loko mi vabya, ku niku hanyisiwa kwalahaya.

<sup>127</sup> Matsundzuka loko Elix, endzhaku, a tava a vitaniwile. . . Endzhaku ka ku nyikela kwalaho ka mapa loku a ri na kona, Kreste, a tlhela a seketela yindlu ya noni hi Rona. Xiyisisani kuya emahlweni loko a tava a vitanile ndzilo wu xikela ehansi wu huma ematilweni, ni kuya emahlweni, niku khorwisa ku rhumela ka yena, ka Xikwembu, Moya wa muprofeta.

<sup>128</sup> Xiyisisani emananga, loko a tava a pavalarile ehansi kwalahaya ehansi ka murhi wa janipa, Ntsumi yi xikela ehansi ni muxaka walowo wa swakudya, yi baka ximbhundwa kutani yi n'wi phamela. Kutani endzhaku nyana Xi n'wi etlerisa nakambe, xi tlhela xi n'wi pfuxa, nakona a kuri na swimbhundwa swo tala leswi a swi swekeriwele yena kwalahaya. Kutani u fambile ari ni matimba ya swimbhundwa leswi kuringana makume mune wa masiku. A ku kwetsimi Xikwembu! Wa ha ri Yena tolo, namuntlha, ni hilaha ku nga heriki. Oho, hi N'wi rhandza njhani, Swakudya swa ximoya hi nguva ya Swona!

<sup>129</sup> “A swivuli ku hlenganisa vuswa bya vana kutani u byi nyika timbyana.” Xana Yesu a nga vulanga swo fana eka wansati wa Musamariya xana? A rhumeriwe eka Lava va nga va Yena. Hi swona sweswo. Kutani loyi A nga tata. . . A nga kalanga a ya eka Vamatiko.

<sup>130</sup> Kutani sweswi U endzela Vamatiko hi nkarhi wa vona, nakona a swivuli. . .

<sup>131</sup> Mi ri, “Hikokwalaho ka yini leswaku Hungu ri nga yi ehandle eka tindhawu leti ta kahle letikulu, tikhrusedi letiwani letikulu, ku kotisa leti ti nga exikarhi ka tidinominexini?”

<sup>132</sup> A hi Swakudya swa vona. A hi kereke, tani hilaha va tivitanisaka xiswona, Swakudya. I Swakudya swa Mutekiwa. I Swakudya swa ximoya leswi swi nga eka nguva. Swi ta va lumaluma emakhwirini ya vona. Swi fuwe ngopfu eka vona. Wa vona? Wa vona? A—a—a wu nge swikoti ku swi endla. Kambe, eka vana, I Vuswa, I Vutomi, I Yesu Kreste la nga tolo, namuntlha, ni hilaha ku nga heriki.

<sup>133</sup> Hi ta hlwela ngopfu loko hi nga sunguli layini ya xikhongelo xa vavabyi sweswi, swingaleswi a hi korhamiseni tinhloko ta hina ntsena xinkadyana.

<sup>134</sup> Xikwembu lexi rhandzekaka, Swakudya hi nguva ya kona, Swakudya swa ximoya. Swin'wana swa leswi misava yi nga

tiviki nchumu ha swona. Hilaha hi yingiseleke Hosi ya hina loko yi vula sweswo vusiku byebyo, kumbe siku lero ehansi eSamariya, ndzhawu yin'we leyi Elix a nga famba eka yona a tlhela a ku, "Hikokwalaho ka yini, a ku ngevi na mberha leyi yi nga ta na ku kondza ndzi yi vitana." Lahawani ku yimile Yesu lahaya a ri karhi a byela vadyondzisiwa va Yena.

Va ku, "N'wini, hikokwalaho ka yini U nga dyi?"

A ku, "Ndzi ni Swakudya leswi mi nga switiviki."

<sup>135</sup> I ntiyiso, Hosi, Swakudya swa Yena a swi fanele swi endla ku rhandza ka Xikwembu, leswaku hi vona mintirho ya Xikwembu yi kombisiwa eka awara leyi ya Yena. A ri kona ku vona loko yi endlwa. "A Ndzi endlil nchumu handle kaloko Tatana wa Mina a Ndzi kombisa kusungula. Leswi Tatana a Ndzi kombisaka swona, hi leswi Ndzi swi endlaka."

<sup>136</sup> Kutani, Tatana, swi tano ni namuntlha. Kereke, mupfumeri wa ntiyiso, Miri wa vafumeri, wu ni nfanelo ya Swakudya, Swakudya swa ximoya, leswaku lava va nga riki wa xidzi a va tivi nchumu ha swona. Misava a yi tivi nchumu hi Swakudya leswi, Tatana. Kambe Kereke ya Wena, vanhu va Wena, Mutekiwa wa N'wana wa Wena, wa Swi rhandza.

<sup>137</sup> Wu ni nfanelo wa ku horisiwa ka mimiri ya hina loko vadokodela va hlulekile. Hi ni mpfumelelo wa leswi. Hi swin'wana swa Swakudya swa Xikwembu, leswi A swi nyikaka Kereke ya Yena, ni kuva swi tshembhisiwile eka masiku ya makumu eka vana va Xona lava va pfumelaka. Tatana, hi pfune leswaku hi va vana lava va pfumelaka, hikuva hinkwaswo swa endleka eka vafumeri. Hi nyike swona, Xikwembu lexi Rhandzekaka. Ha swi kombela hi Vito ra Yesu. Amen.

<sup>138</sup> Ndzi pfumela leswaku Billy u ndzi byerile leswaku va phakile makhadi ya xikhongelo. Loko un'wana a nga ndzi byela letere leri ri nga eka khadi ra xikhongelo, sweswo hi swona hinkwaswo ndzi swi lavaka. [Un'wana a ku, "C."—Muhleri.] C, hi swona, a hi tekeni C, un'we, sungula, kufikela laha ndzi kumaka layini leyi nga sungula. Wa vona, sweswi, va nga hava va helerile. Sweswi, loko un'wana na un'wana. . . Kunene, wa vona, ndzi ya eku ringeteni ka leswi. A ndzi switivi loko hi ta swi endla kumbe hi nga swi endlil. Kumbe ntsena hi nga vitana layini; mi tshamiseka. A swi khatheleki eka mina. Loko mi nga ha ta ehenhla lahawani eka platifomo, kumbe hi vitana layini, a swi na mhaka, ntsena ya ha ri ndlela na yona. Ntsena ndzi tshembhela eka Moya wo Kwetsima. Ndzi tshembhele eka Yena ku ta sirhelela Rito leri ndzi nga ri chumayela.

<sup>139</sup> Makwerhu George Wright, ndza Ri pfumela. Kusukela ndza hari xijahetana, a ndzi ta endlwini ya ka n'wina malembe yo tala lawa ya nga hundza, ni yingisela sete ya leyo

ya khale ya ntwanano wa marilele ya swinyenyana ensinyeni, na sweswi ndza ha pfumela eka Hungu lero. Ndza pfumela leswaku Ra ha fanana.

<sup>140</sup> Swi lulamile, ndzi vona va ri karhi va pfula endzhaku lahawani leswaku kutava na layini ya xikhongelo. Swi lulamile, khadi ra xikhongelo ra C, ra nambara yo sungula, mbirhi, nharhu, mune, ntlhanu, tanani kusungula mi ta yima lahawani. Loko mi nga swikoti ku yima, loko ntsena mi nga yimisa mavoko ya n'wina, van'wana va vona va ta ta va ta mi teka. [Un'wana a vulavula na Makwerhu Branham—Muhleri.] I yini? Ina. Ahaa. Khadi ra xikhongelo ra C, n'we, mbirhi, nharhu, mune, ntlhanu. Kutani sweswi xiysisani, n'wina lava mi pfumalaka makhadi ya xikhongelo . . .

<sup>141</sup> Sweswi, a ndzi se tshama ndzi va na layini ya xikhongelo yo lehisa xileswi, nkarhi wo leha. I vangani lava va tsundzukaka ku lerisiwa ka mina loko hi aka Tabernakele lahawani? Xi teri, “Endla ntirho wa vuevhangeri.” A xi kalanga xi vula leswaku ndzi muevhangeri. Xi teri, “Endla ntirho wa vuevhangeri,” wa vona, “hikuva awara yi ta fika laha u nga ta ncinca.” Awara yaleyo yi le kufikeni. Hi swona. Sweswi, eka leswi, Xi . . .

<sup>142</sup> A wu nge swikoti ku hlenganisa yimbirhi kumbe yinharhu ya tiministri to hambana kun'we, mufundhisi na muevhangeri, hi nkarhi wun'we. A wu nge swikoti ku va—ku va muprofeta kumbexani u tlhela u va mufundhisi, hinkarhi wun'we, wa vona, hikuva u na mintirho leyi yi hambaneke, tiministri to hambana.

<sup>143</sup> Kambe Hosi yi ndzi nyikile leswi ndzi nga fanela ku swi endla eka Hungu ra mina. Kambe swingaleswi Yi teri, “Endla ntirho wa vuevhangeri, endla ku khorwisa loku ku heleleke ka ministri wa wena, hikuva nkarhi wu tata laha va nga taka va nga ha yingiseri Dyondzo leyi yi hanyaka.” Loko sweswo swi nga tanga sweswi! Kereke yin'wana na yin'wana ya dinominexini yi ndzi jikerile. Va ngaka va nga yingiseri Dyondzo leyi yi hanyaka. “Kambe hi ku navela loku ku nga ka vona va ta ti nghenisela vadyondzisi lava va nga va vona, kutani va ta hundzukela eka mintsheketo. Nakona va ta endla swilo leswikulu leswi va swi fikelelaka hi vutlharhi ku kotisa Yambre na Yanne lava va aleleke Muxe, kambe vuphukuphuku bya vona byi ta vonaka emahlweni ka hinkwavo.” Wa vona? Wa vona? Hi swona, va encenyeti! Maswivona hilaha Yambre . . .

<sup>144</sup> Kutani, Xikwembu eTilweni xa switiva, sweswo swi lahaya eka yinhla ya ribye ra Tabernakele kusukela hi 1933, ku tsariwile eka pheji ya Bibebe, leyi nga vekeriswa lahaya. Langutani leswaku va swi endlise ku yini. Langutani leswi swi nga ta humelela. Ku encenyeta, ntsena ku fanana. Xi ku, “Va

tshike va ri voxe, vuphukuphuku bya vona byi ta endliwa byi tiveka hi maendlelo yan'we tani hi ya Yambre na Yanne leswi a va ri xiswona." Lahawani hi le ka siku lero.

<sup>145</sup> Ndzi vonile kereke ntsena loko hi vekela ribye ra yinhla, vanhu va nembelala eka swilebe ni hinkwako, va yimile va rhendzeleka hi makhumbi ya tabernakele. Kwalaho mi nga kona. Va teri, loko yi ta, vanhu va doroba lahawani, va teri, "Ku nga se hela mpfuka wa tinhweti ta ntsevu. . ." Hina hi dolara yin'we na ntlhanu wa macheleni na manharhu yo aka tabernakele, vanhu vo tala va tigarachi va kunguhatile leswaku yi tava garachi ya vona. Kambe ya hari tshanga ra tinyimpfu ti nga Tinyimpfu ta Xikwembu.

<sup>146</sup> N'we, mbirhi, nharhu, ntlhanu, ntsevu, nkombo, nhungu, nkaye, khume. C, ntsevu, nkombo, nhungu, nkaye, khume. Hi swona.

<sup>147</sup> Sweswi, "Mina Hosi hi mina ndzi yi byaleke, Ndzi ta yi cheleta nhlikanhi ni na vusiku leswaku van'wana va nga yi kha evokweni ra Mina." Langutani eka vasandzi! Kuhava dinominexini leyi yi nga Ri seketelaka. Kuhava kereke leyi yi Ri tsakelaka ku rhendzeleka hi tiko lahawani. Kuhava Pentekosta etikweni, kuhava lexi xi nga Ri seketelaka. Un'wana na un'wana u lwisana ni nkhuwulo wa mati, un'wana na un'wana u lwisana ni hinkwaswo swilo leswin'wana. Hambu kuri ndyangu lowu wu nga wa ka hina, papa la nga wa mina u ndzi jikerile enyangweni, ndzi tekile swiambalo ndzi swi hoxa exisakanini xa phepha ni famba ni ya tshama eNew Albany. Hi swona.

Kambe eka makhombo yo tala, swipikirani ni  
swirim bani,  
Khale ndzi tile;  
I tintswalo leti ti ndzi tiseke ndzi hlayisekile  
eka mpfhuka lowu,

Ndzi na makume ntlhanu-ntsevu wa malembe hi vukhale, nakona ku ngari khale ndzi ta fanele ku tsemekanya nambu.

Tintswalo ti ta ndzi teka ti ndzi yisa  
emahlweni.

Loko ndzi tava ndzi ri kwalahaya khume ra  
magidi ra malembe,  
Ku ri karhi ku hatima niku voninga tani hi  
dyambu;  
Hi nga hari na masiku ya ntsongo yo  
yimbelelela ku dzunisa ka Xikwembu  
Kutlula loko hi tava hi sungurile ro sungula.

Oho, ndzi n'wi rhandza njhani Yesu! Hi Yena misava hinkwayo eka mina!

<sup>148</sup> Oho, swi lulamile, i kangani ndzi. . .Hi kwihi laha a ndzi yime kona, khume? Xana hi nga ha teka yan'wana xana? Hi

swona. A kuri ri hi lero, khume, khume ntlhanu xana? Hi swona. C, khume ku fika eka khume ntlhanu, hinkwako laha mi nga kona, loko mi nga yima kutani mi nghena. U ri yini? Haa? Hi swona. C, khume ntlhanu kufika eka makume mbirhi, kwalaho. Mi nge rero ri va C, khume ntlhanu ku fika eka makume mbirhi. Kwalaho ku tava ka ha ri khume wa vanhu vo engetela. Hi vona. . . Ma swi vona—vona laha layini yi nga yima lahaya, a hi va kumi vona—va kumeka va hlangananile na ntshungu. Kutani hi ta. . . Hi swona.

<sup>149</sup> Sweswi ndzi kombiseni ku ka mi nga avananga ka n'wina; a hi nge hlweli ngopfu. Kambe, sweswi, oho, i awara yihi, nkarhi wihi! Ndzi—ndzi navela leswaku un'wana na un'wana a nga rhandza Hosi. Ndzi—ndzi navela leswaku hinkwerhu ntsena hi nga fika eka xindhawani xexo ku ta tekela enhlokweni matimba ya minete leyi. A hi ma ringeteni. Ntsena ndzi yingiseni.

<sup>150</sup> Xana—xana hi le ku ringeteni ka ku endla yini lahawani xana? Hi le ku tshamisiseni ka Rito ra Xikwembu hi ku ri kambela. Eliya u endlile swo fana, a famba a ya ehenhla ka ntshava endzhaku kaloko a switivile leswaku u rhumeriwile hi Xikwembu kuya swi endla. U teri, “Sweswi a hi kambisiseni leswaku Xikwembu i mani, mi nge Xikwembu lexi xi hlamulaka hi ndzilo xi va Xikwembu.”

<sup>151</sup> Kutani vahedeni va tsema, oho, va ku, “Kunene, hakunene, ee. . .” Va—va vahedeni a va tiva leswaku ndzilo a wu yi eku weni, swingaleswi va huwelerile ni kuya emahlweni.

<sup>152</sup> Kambe Eliya a switiva leswaku wu ya eku weni, hikuva a ri na xivono lexi xi humaka eka Hosi.

    Mi ri, “A ri na xivono?”

<sup>153</sup> Ina, nkulukumba! Loko a tava a kumile hinkwaswo swi vekiwile hi oda, u teri, “Hosi, ndzi endlile leswi hi ku lerisa ka Wena.” Kutani ndzilo wu sungula ku wa. Loko Rito ra Xikwembu ra ha hlayisiwile eka papila, swingaleswi i mhaka ya Xikwembu ku hlayisa hinkwaro ka rona. Ntsena Xi mi kombela kuri andlala lahaya. Nakona mi va mi ri na ntiyiso wa leswaku mi vitaniwile ku ta ri andlala lahaya. Wa vona? Kutani loko mi ri tano, Xi ta hlayisa hinkwaro ka rona.

<sup>154</sup> Sweswi, lahawani hi lava vanhu va taka eka layini leyi a ndzi ri eku yi khongeleleni. . . Sweswi, kunene, mi le kusuhi na khumbhi sweswi, hi swona, ku ya elayinini ku ya emasunguleni. Sweswi, xo sungula, ni kun'wana lahawani emuakwini, vanhu van'wana. . .

I vangani lava va nga lahawani va vabyaka va pfumalaka makhadi ya xikhongelo, yimisani mavoko ya n'wina. Wa vona, ntsena hinkwako. Sweswi, ma swi tiva loko Hosi ya hina. . . Nakona ndza pfumela leswaku U ta swi endla, loko a

ri Yena tolo, namuntlha, ni hilaha ku nga heriki. U fambisa tilayini ta swikhongelo. Vanhu va ta eka Yena hi ti layini leti kulu, hi vuningi, Wa va khumbha, a va katekisa. Kutani Wa yima nkarhi wun'wana a ku, "I mani a nga Ndzi khumbha?" A halahala, a byela wansati leswi a nga N'wi khumbhela swona; kutani a ku vuvabyi bya switlhandla byi sukile, ripfumelo ra yena ri n'wi hanyisile.

<sup>155</sup> A ku ta humelela yini loko wansati a lo hundzuluka a ku, "Kunene, a ndzi switivi, Hosi, ndzi vile na byona lebyi nkarhi wo leha xana"? Swi ngaka swi nga humeleli. Ee, swi ngaka swi nga ha humeleli. Ee.

<sup>156</sup> A ku ta humelela yini loko A lo byela wansati wa Musamariya leswaku, "Hikokwalaho ka rito lero u nga ri vula, wanhwana wa wena, javulosi u sukile eka yena," a ku ta humelela yini loko a te, "Kunene, sweswi, Hosi, ndzi—ndzi Ku lava u endla leswi hi ndlela *leyi*?" Ja—ja javulosi a tava a hari eka wanhwana. Kambe u langutele ku kuma wanhwana wa yena hi ndlela *leyi* A nge teri u ta n'wi kumisa xiswona.

<sup>157</sup> Sweswi, U hi byerile, "Leswaku loko hi nga pfumela! Loko u nga ku eka ntshava *leyi*, 'Suka,' I nga kanakani embilwini ya wena, kambe u pfumela eka leswi u nga swivula leswaku swi ta endleka, u ta endleriwa swona. Loko u khongela, u pfumela leswaku i swi kumile, u ta nyikiwa swona." I xitshembhiso xa njhani!

<sup>158</sup> Sweswi wanuna loyi a chumayelaka evhangelu *leyi* yi rhandzaka hi vanhu a nga swi pfumeli sweswo hinkwaswo. U ta ya enyangweni, a fika a hlometela, kumbe a yima kwalahaya, kutani a ku, "Kunene, ntsena i ntlawa wun'wana wa vakwetsimi vo vumbuluka," kutani a famba. Wa vona? Kambe a nga switivi leswaku leswi i Swakudya leswi nga fihliwa. A nga switivi leswaku lowu i Nchum wa xihundla lowu wu nga fihliwela yena. A nga switivi. Swi—swi—swi ni vusiwana, miehleketo *leyi* yi nga ambalangiki, yo hlupheka, ya bofu, nakona a nga switivi. Wa vona? Walowo i nchumu lowu wu nga biha.

<sup>159</sup> O Xikwembu, u nge ndzi fa kusungula, kambe u nga ndzi kumi ndzi ri xisweswo. Swi nga antswa ni fa (ina, nkulukumba) kutlula ku endla sweswo. Ndzi ehleketa leswaku un'wana na un'wana wa hina u tano, a hi tano xana? [Nhlengeletano yi ku, "Amen."—Muhleri.]

<sup>160</sup> Kambe, sweswi, Xikwembu xi hi tshembhisile swilo leswi emasikwini ya makumu. Eka Malakiya 4, yi teri Yesu Krete u ta xikela ehansi a ta ti encenyeta yena N'winyi eka nyama ya ximunhu tani hilaha A swi endleke eSodoma. Hi swona sweswo. A tlhela a ku misava yi tava eka xiyimo xa vu Sodoma. A tlhela a ku, "Tani hilaha a swi ri hakona, N'wana wa munhu u ta paluxiwa hi siku lero." Wa vona, Wanuna loyi



a xikelaka ehansi hi xivumbeko xa munhu, loyi a ri “Elohim,” hi Abraham, ku nga se fika n’wana loyi wa xitshembhiso. Langutani hilaha a swi ri xiswona, Abraham u teri a ri Xikwembu. Kutani Bibebe yi teri a kuri ni vavanuna vanharhu lava va nga ta eka yena, va ri ni ritshuri eka swiambalo swa vona, a va famba, va tshama ehansi vatlhela vadya tani hi vavanuna. Kutani Yesu a ku, “Ntsena hinkarhi lowu misava yi nga ta nghena eka xiyimo xa vu Sodoma, swingaleswi N’wana wa munhu u ta ti paluxa nakambe yena hi Yexe,” ku ngari N’wana wa Xikwembu. N’wana wa munhu, wa vona, u ta ti paluxa yena N’winyi.

<sup>161</sup> Sweswi marakani sweswo ni leswi swi nga vula hi muprofeta wo hetelela loko a te, “Vonani Ndzi mi rhumela muprofeta Eliya, u ta—ta tlherisela timbilu ta vana ti tlhelela eka vatatana va vona.” Wa vona? Murhumiwa ku tava tlherisela endzhaku eBibeleni, nakona N’wana wa munhu u tava a ri eku tipaluxeni yena N’winyi hi siku lero. Nakona hi siku lero ra ku twarisiwa ka nguva yo hetelela ya kereke, ntsumi ya vunkombo, swihundla swa Xikwembu swi fanele swi tivisiwa hi siku lero. Swilemo swa Nkombo swi ta handzuriwa. Swihundla swa tikereke leti hinkwato ni swin’wana, hilaha ti nga humelerisa xiswona, ni leswi swi nga hu- . . . njhani, leswi swi nga humelela.

<sup>162</sup> Wa vona, a va Swi tivi. Yesu u teri, “N’wina Vafarisi va mabofu!” A ku, “Loko bofu ri rhangela bofu, hinkwavo a va yi va ya wela egojini xana?” Wa vona, hi xona xivangelo xa kuva vanhu lava va nga swivoni Sweswo.

<sup>163</sup> Xihundla xa Rona, i, Swilemo leswi, yin’wana na yin’wana ya tikereke leti yi endlile nhlngano ni kuva yi kumeka eka wona, nakona xexo hi xin’wana xa swilo swa xihundla leswi swi nga hoxeka emahlweni ka Xikwembu. Wa swi vona, Doctor Lee? Wa vona, langutani. Swi tano. Walowo i nchumu lowu wu nga ntiyiso lahaya. Xexo hi xin’wana xa swihundla. Va tikungerile niku, wa vona, kutani hi ku hetiseka vava va humile eka ku rhandza ka Xikwembu. Kutani sweswo swi ta humesiwa hi masiku yo hetelela, niku rhangela vanhu, ku ngari ku ya eka mikhuva kumbe dinominexini, kambe ku tlhelela endzhaku eka Rito ra ntiyiso. Kutani Rito ra ntiyiso ri tata eka ntlawa wun’wana wa vanhu, nakona N’wana wa munhu u ta tipaluxa yena N’winyi exikarhini ka vona, “kufana ni tolo, namutlha, ni hilaha ku nga heriki.”

<sup>164</sup> Oho, mina! Oho, ndza swi rhandza sweswo. Ndzi rhandza—ndzi rhandza ku tibumabumela eka Yena. Ndzi rhandza ku—ku N’wi kurisa emahlweni ka vanhu. A ndzi swilavi ku N’wi endla lonkulu; khale A ri lonkulu. U lehile swingaleswi a wu nge swikoti ku N’wi fikelela, hi ku enta swinene a wu nge swikoti ku nghena ehansi ka Yena, hi ku

anama a wu nge swikoti ku rhendzeleka hi Yena, hambi swi ri tano u na kamara embilwini ya wena ya Yena. A mi swi lavi ku N'wi amukela xana? Yi kahle njhani Hosi ya hina! Hi swona.

<sup>165</sup> Sweswi a hi miyeleni hakunene, un'wana na un'wana. Sweswi, hi vulavurile hi Leswi. Kutani sweswi nchumu wa swona i ku, Ri ntiyiso xana? Sweswi, swi nga endleka kuri ni valuveri lahawani. Ndzi nga ha vula loko...eka n'wina, loko kuri leswaku Krete hi yena tolo, namuntlha, ni hilaha ku nga heriki, xana a nga endla yini Yena eka minete leyi? U ta endla swo fana ni leswi A swi endleke loko A hari lahawani kusungula. A hi swona xana? Ripfumelo ra vanhu ri ta khumbha nguvu ya Yena, kutani U ta hundzuluka. Tani hilaha A swi endleleke wansati exihlobyeni, nakona U swi endlile eka tindhawu tin'wana, nakona U vonile mianakanyo ya vona.

Sweswi, mi ri, “A nga ndzi horisa xana?”

<sup>166</sup> Rito ra Yena ri teri khale A swi endlile sweswo. Kambe nchumu wa swona hi leswaku, i ku va ku endliswa leswaku swi tiveka leswaku yena hi Yexe U kona lahawani.

<sup>167</sup> Sweswi, loko A humelela eka hina hi xivumbeko xa miri wa ximunhu, a languteka ku kotisa *Nhloko ya Krete loko a ri ni Makume nharhu-nharhu* ya Hofmann, ni ngati leyi a yi khuluka yi huma evokweni ra Yena, ni kuya emahlweni, swivati swa swipikiri leswi nga ka Yena, a ndzi nga ta swi amukela. Ee, ee. Ee, ee. Loko A ta, yena hi Yexe, “Tihlo rin'wana ni rin'wana ri ta N'wi vona, ririmi rin'wana ni rin'wana ri ta N'wi mbhonyela; kutani ku kotisa rihati loko ri hatima kusuka eVuxeni kuya eVupela-dyambu, swi tava xisweswo.” Wa vona? A hi pfumeli eka mikhuva ni swivongo. Hi pfumela leswaku Xikwembu i Rito.

<sup>168</sup> Kambe Xi ti ambexile miri xona hi Xoxe, xi teka miri wa mina na miri wa n'wina, xi tlhela xi minyika tinyiko, xi ndzi nyika tinyiko na mina, nakona hi tinyiko leti Xi ti endle leswaku xi tiveka xona hi Xoxe. Sweswo i Swakudya leswi swi fihliweke. A swi na mhaka leswaku Xi nga titivisa vuXona ku fika kwihi hi mina, mi fanele ku Ri pfumela, mi fanele ku va ni nyiko ya ripfumelo, na n'wina, ku Ri pfumela. Ma swi pfumela sweswo xana? [Nhlengeletano yi ku, “Amen.”—Muhleri.] Kutani loko Xi nga tikombisa xona N'winyi hi maendlelo ya lawa sweswi, xana mi ta Xi pfumela xana? [“Amen.”] Hi timbilu ta n'wina hinkwato, mi ta Xi pfumela xana? Oho, swi saseka njhani, ntsena a hi Xi rindzeleni, ntsena hi rindzela ku vona leswi Xi nga ta swivula.

<sup>169</sup> Hi loyi wanuna a yimeke lahawani. A ndzi se tshama ndzi n'wi vona evuton'wini bya mina, tani hilaha ndzi swi tivaka ha kona. U languteka a ri kahle, a tiyile, wanuna la a hanyeke kahle emirini, nakona kahle-kahle u tano, a ndzi—ndzi—ndzi switivi. Kambe u yimile lahaya. Sweswi, ndzi nga ha ya ndzi

ya tlhandleka mavoko eka wanuna ya loye kutani ndzi n'wi khongelela, niku n'wi vutisa loko a nga pfumela. A nga ha yima lahawani a ndzi byela, a ku, "Ndzi—ndzi—ndzi ku lava u khongelela *So-na-so*. Kutani ndzi na—ndzi na ku pandza loku ku nga ndzi wela. Ndzi pandziwa hi nhloko, a yi yimi. Ndzi ni tialsa ekhwirini ra mina," kumbe swin'wana. U—u, a ndzi switivi. A nga ha vula swilo swa muxaka lowu.

<sup>170</sup> Ndzi nga ku, "Hi swona, nkulukumba, makwerhu. Ndzi ta ku tlhandleka mavoko ya mina ndzi ku khongelela." Sweswo swi tava leswi nga hetiseka swi nga kahle. Sweswo hi swona hakunene leswi hi nga swi endla kusukela kwale hansi eka nguva. A hi swona xana?

<sup>171</sup> Kambe, tsundzukani, Yesu u teri swi tava swi hambanile ntsena enkarhini wa ku Vuya ka Yena, tani hilaha a swi ri emasikwini ya Sodoma. Kutani Wanuna loyi a nga ta, nhlana wa Yena a wu fularhele tende laha Sarah a ri kona, nakona U teri, (ku ngari "Abram," sweswi) "Abraham."

<sup>172</sup> Wa vona, a ri Abram, hi xa tolo. Kambe u hlanganile na xivono, nakona Hosi yi n'wi byerile leswaku, "Ndzi ya eku ncinceni ka vito ra wena."

<sup>173</sup> Kutani hi leyi Hosi lahawani, yona hi Yoxe, hi xivumbeko xa wanuna, yi dyaka yi tlhelela yinwa na yena. Yi ku, "Abraham, i kwihi nsati wa wena, Sarah?" S-a-r...r-a-h; ku ngari S-a-r-r-a.

A ku, "U le tendeni, endzhaku ka Wena."

<sup>174</sup> Yi ku, "Ndzi ta ku endzela, ku ya hi xitshembhiso xa Mina xa malembe ya makume mbirhi-ntlhanu lawa ya nga hundza."

<sup>175</sup> Kutani Sarah a va ni maendlelo yo hleka eka yena. Yi ku, "Sarah u hlekile etendeni sweswi, a ku, 'Swi nga endlekisa ku yini swilo leswi xana?'" Ahaa. Ku ni leswi swi tikelaka Xikwembu xana? Wa vona? Kuhava. Ee, nkulukumba.

<sup>176</sup> Sweswi U teri, Yesu u swi tshembhisile sweswo, "Yena, N'wana wa munhu," laha ku nga Rito, (ma swi pfumela sweswo xana?) "leswaku u ta ta emasikwini yo hetelela nakona u ta tipaluxa yena hi Yexe hinkarhi lowu misava yi nga tava yi kotisa Sodoma na Gomora." Ma pfumela leswaku hi swona sweswo xana?

<sup>177</sup> Hi nga se sungula xikhongelo na xin'we, van'wana va n'wina kwalaho khongelani mi vona loko N'wana wa munhu loko a hari yena tolo, namuntlha, ni hilaha ku nga heriki. Ntsena vutisani loko a ri Yena, mi ku, "Hosi, wanuna loyi a nga ndzi tivi, kambe ndza switiva leswaku wa hari Wena tolo, namuntlha, ni hilaha ku nga heriki," mi vona loko A mi byela sweswo.

Ina, nkulukumba. Sweswi wa nga pfuxa nyana nhloko ya wena xinkadyana.

<sup>178</sup> Swi le endzhaku ka mina. I n'wana. I le ku tshweni sweswi hi ku hisa ka miri. I xinhwenyatana. U huma ehandle ka doroba. N'wana u karhatiwa hi le ndzeni. Swi endlekile. Ntsena pfumela.

<sup>179</sup> Sweswi, hi swona leswi Yena a nge teri U ta swi endla? A ndzi se tshama ndzi n'wi vona munhu loyi evuton'wini bya mina. Xikwembu lexi nga eTilweni xa swi tiva sweswo.

<sup>180</sup> Wanuna loyi a nga lahawani, u languteka a tiyile a va a hanyile emirini. Kambe ma wu vona ndzhuti lowu wu nga eka yena kwalaho xana? Sweswo swivula leswaku, handle kaloko Xikwembu xi nga n'wi pfuna, a nge hevi kona lahawani ku ngari khale. U na mfukuzani. Yi le hawini ra wena.

Sweswi, N'wana wa munhu u lahawani.

U na ndhwalo embilwini ya yena wa xijahetana, xihlangi lexintsongo. A hi swona xana? Wa pfumela leswaku Xikwembu xi nga ndzi byela leswi swi nga hoxeka hi n'wana xana? [Buti a ku, "Ndza switiva xi nga ku byela."—Muhleri.] Xi nga swi endla. U ni maendlelo yo oma tani hi maendlelo ya switshetshela. Swa ha ku n'wi endla na sweswi. ["Mixo lowu."] Hi swona, mixo lowu. Nakona wa pfumela leswaku u ta hanya u ta kota ku kurisa jaha lero, nakona u tava a hanyile xana? ["Ina."]

<sup>181</sup> U le kwihi Charlie Cox xana? U le kwihi xana? Charlie, u le kwihi xana? A ndzi ehleketa leswaku u kwalahawani vusiku lebyi. Kwalahawani, Charlie. Gary, u le kwihi xana? Larry, xana u kona kwala xana? Xijahetana xa yena a ri na swo fana na sweswi, swo fanana hakunene. U le kwihi, Larry? Tana nyana haleno. Kunene, hi loyi. Jaha nyana leri a ri ri na byona. Tatana wa rona na manana wa rona i vanghana wa mina va kahle. Malembe lawa ya nga hundza a ndzi ri kwalahaya, kutani xijahetana lexi a tava ni maendlelo yan'we, ntsena ku oma byi tlhela byi nyamalala. A byi ri switshetshela. Ndzi byi kume eka xijahetana, ndzi komberile Xikwembu leswaku xi n'wi hanyisa. A nga ha kalanga a va na byona kusukela. Yaloye i tatana wa yena; manana wa yena u tshamile kun'wana lahawani; kutani hi lexi xijahetana, xona hi xoxe.

<sup>182</sup> Sweswi wa pfumela, nkulukumba? (Ndza ku khensa, Larry.) Wa pfumela, nkulukumba? I ngaku Xikwembu xa Tilo xi nga ha ku nyika swo fana na wena, na wena u hanya u ta kurisa n'wana. Xikwembu a xi ku katekisi.

A hi khongeleni.

<sup>183</sup> Xikwembu lexi rhandzekaka, n'wi pfuni. Ndza khongela leswaku musa ni tintswalo a swi ve ehenhleri ka yena u tlhela u n'wi katekisa. Hi Vito ra Yesu.

<sup>184</sup> Tlhelela endzhaku eLouisiana sweswi, u tsakile, dzunisa Xikwembu ha yena.

185 Oho, ina, u huma eLouisiana, hakunene u huma kona, kusuhi na Lake Charles. Hi swona. Wa vona, ndzi nga ha khoma mianakanyo ya wena sweswi. A ku dzunisiwi Xikwembu!

186 Kunene, u le ku kombeleni ka swilo swa—swa kahle, u lava ku va na n'wana. U vile na vona vana, vana vo hlaya, kambe u lava un'wana. I ngaku Xikwembu xa Tilo xi nga ku nyika yena, sesi wa mina. Tana haleno, ntsena ndzi lava ku ku tlhandleka mavoko.

187 Xikwembu lexi rhandzekaka, nyika wansati ku navela ka mbilu ya yena, hikuva i xilaveko lexi nga fanela. Hi Vito ra Yesu. Amen.

Sweswi famba u ya va na n'wana.

188 Xikwembu i Xikwembu xa kahle. Ma swi pfumela sweswo xana? [Nhlengeletano yi ku, "Amen."] U tiva hinkwaswo leswi hi swilavaka. Wa hi nyika swilaveko swa hina swa masiku hinkwawo loko hi swi pfumela. U teri, "Loko mi pfumela!"

189 Ndzi tlhavurile voko ra wena kun'wana. A ndza ha tsundzuki leswaku hi kwihi, kambe kun'wana ndzi tlhavurile voko ra wena. A ndza ha swi tsundzuki hakunene, kambe a hi ri kun'wana, namuntlha kun'wana, kambe a ndza ha ku tivi leswaku hi kwihi. Kambe sweswo a hi swona, leswi hi fanelaka ku vulavula hi swona lahawani. U lahawani ku ta vulavula hi swin'wana, kumbe ku ta khongela, u ndzi lava ndzi khongelela un'wana. Hi swona. A nga kona lahawani. U le Georgia, wa vabya. Ku ngari ntsena leswaku wa vabya, exinyameni, kambe u vabya eximoyeni; mutswala wa wena. Wa pfumela leswaku Xikwembu xi ta swi hlayisa leswi hikokwalaho ka kuva u n'wi yimerile? Wa pfumela xana? Tana haleno hi ta khongela swin'we.

190 Xikwembu lexi rhandzekaka, nyika wanuna loyi ku navela ka mbilu ya yena, leswaku a nga ha famba a ya kuma wanuna loyi a ri karhi a rilela Xikwembu. Hi Vito ra Yesu ndza swi kombela. Amen.

Xikwembu a xi ku katekisi. U nga kanakani. Pfumela hi mbilu ya wena hinkwayo.

191 U pfuke njhani xana? A swi yi hi ku a ndzi ri fikelelanga voko ra wena ku ri tlhavula kwalaho, loko u humesa voko ra wena, a ndzi ri karhi ndzi xiyisisa swin'wana. A kuri ndzhuti, wo zwihala hakunene wu tlhela wu ntima. Hi xona xivangelo. Ndza switiva leswaku ndzi ri khomile voko ra wena, ndzi swi kumise xisweswo, wa vona. Kambe i mfukuzani. Wa pfumela leswaku Xikwembu xa swikota ku wu susa xana? Wu le veleni ra wena, eximatsini. U lava ku tlhelela endzhaku eCarolina ni kuva u dzunisa Hosi kuva yi ku hanyisile, a wu tano xana? Wa swi vona leswi ndzi swivulaka xana? A hi khongela.

<sup>192</sup> Xikwembu lexi rhandzekaka, hi Vito ra Yesu Kreste, Un'wana Loyi a nga kona sweswi; vana va le ku dyeni ka Vuswa bya Xikwembu, i ngaku n'wana loyi na yena a tiphina hi ripfumelo, Vuswa bya Xikwembu lebyi A n'wi nyikaka sweswi eka ku horisiwa ka yena. Leswaku a nga ha famba a hanyile, hi Vito ra Yesu. Amen.

Xikwembu a xi ku katekisi, makwerhu. Pfumela hi mbilu ya wena hinkwayo.

U pfuke njhani xana?

<sup>193</sup> Xana a hi wona lowu nkarhi wa kahle xana? Ntsena swi tikomba tani hi nchavo lowukulu wu tshamaka ehansi ehenhleri ka vanhu. Kumbe, swi nga ha twakala tani, tindleve ta mina, ntsena ku kotisa swin'wana swi fambaka, [Makwerhu Branham a pfurhetela makhrofoni—Muhleri.] “Yhuu!” Ntsena ku endla huwa, kukotisa, “Yhuu,” tani hi sweswo, wa vona. I Vuswa bya vana. Wa vona? Hi n'wina. I bya n'wina. A hi bya mina; I bya n'wina. Ndzi khensa swinene, eka nkarhi lowu sweswi, a ndzi. . .Ndzi kahle, tani hilaha ndzi swi tivisaka xiswona; kambe Ri vuswa eka mina, na mina, loko ndzi ri na ntirho na byona. I Vuswa bya n'wina. Ri nyika matimba. Eka n'wina lava mi nga vabyeki, ntsena ri yisa timbilu ta hina ehenhla emahlweni ka Xikwembu.

<sup>194</sup> Leswi hakunene-nene swi le ka nguva, leswi A nge U ta swi endla, “Kutani tani hilaha a swi ri emasikwini ya Sodoma, swingaleswi swi tava tano eku vuyeni ka N'wana wa munhu, loko N'wana wa munhu a ta ti paluxa.” Wa vona? “Nakona, vonani, Ndzi mi rhumela muprofeta Eliya ku nga se fika siku lerikulu leri ri chavisaka ra Hosi. U ta tlherisela timbilu ta vanhu ti tlhelela eka Tatana.” Wa vona? Wa vona?

<sup>195</sup> “Kutani lavo lulama va ta famba ehenhleri ka—ka lavo biha, minkuma.” Va ta tshwa kukotisa ndzilo wa xitiko, wa vona, yi tava tano misava. Ha swi vona wu ya eku weni halahaya. Na vholukheni yi ta hangalaka ni misava, kutani matilo ya tava ni ndzilo.

O wena Ribye ra Tinguva, ndzi twele vusiwana sweswi, ni sweswi.

<sup>196</sup> U pfuka njhani xana? Kunene, nchumu wun'we, u karhatiwa hi xilumi, mhaka ya vusati. U tlhela u va na swin'wana. Wa rhurhumela, ntsena eka xiyimo xexo xa kuva u rhurhumela. Minxaka hinkwayo leyi yi nga twisisekiki. Kambe u na ku navela, na wena, leswaku u nga amukela Moya wo Kwetsima. Hi swona sweswo. Sweswo hi swona leswi swi nga xiswona. Wa pfumela leswaku u. . .Xana u tivurile eka hinkwaswo xana? Wa pfumela leswaku loko ndzi tlhandleka mavoko ehenhleri ka wena niku kombela Xikwembu leswaku

xi swi endla, Moya lowo Kwetsima wu tata xana? [Sesi a ku, “Ina.”—Muhleri.] Wa swi pfumela sweswo xana? [“Ina, nkulukumba.”] A hi khongeli.

197 Xikwembu lexi rhandzekaka, ndzi tlhandleka mavoko ehenhleri ka wansati loyi, hi maendlelo ya xiapostola, niku kombela leswaku a amukela nkhuvuulo wa Moya lowo Kwetsima. Hi Vito ra Yesu Kreste, i ngaku a nga Wu amukela. Amen.

198 U nga byi kanakani. I bya wena, wa vona. I bya wena. I—i Vuswa bya vana.

199 U twa u nga titwi kahle loko ndzi ku, “xilumi,” a wu tano xana? Hikuva sweswo hi leswi u nga na swona, na wena. Sweswi wa pfumela leswaku u ta hola sweswi? Famba, u ri karhi u khensa Hosi.

200 U pfuke njhani xana? Wa pfumela hi mbilu hinkwayo ya wena xana? Wa pfumela leswaku u ta tlhela u kota kudya tani hilaha a wu toloverise xiswona nkarhi lowu wu nga hundza xana? Swi lulamile. Famba, kutani i ku, “Ndza Ku khensa, Hosi. Ndza swi pfumela.” Vukona bya Hosi.

201 Wa pfumela leswaku ku karhatiwa hi nhlana walowo swi ta ku sukela nakona u ta hola? Swi lulamile. Ntsena famba, u ri karhi i ku, “Ndza Ku khensa, Xikwembu lexi rhandzekaka,” kutani Xikwembu xi ta ku nyika swona.

202 Wa pfumela leswaku u ta hola, Hosi yi ta ku horisa; nakona a wu nge he pfuki u vile na vuvabyi bya mahlanganisi, hola u va u hanyile emirini? Wa swi pfumela sweswo xana? Famba, u ri karhi u N’wi khensa, i ku, “Hosi, ndza swi amukela hi mbilu ya mina hinkwayo, nakona ndza swipfumela.”

Xana mi pfumela yini hinkwerhu ka n’wina kwalaho ha Rona?

203 Wena u nga lahawani, tlhandleka voko ra wena eka wansati yaloye a nga tshama ekusuhi na wena kwalaho, n’wi byeli leswaku swilondza swa minsiha niku hisa ka mahlanganisi swi ta n’wi sukela. Loko a nga...?...

204 Xikwembu a xi ku katekisi. Wa pfumela leswaku u ta hola sweswi xana? Famba u ya ekaya u horile. Xikwembu a xi ku katekisi. Tifambeli hi ndlela ya wena, kutani i ku, “Ndza Ku khensa, Hosi Yesu.”

205 U pfuke njhani xana? [Sesi a ku, “A ku dzunisiwi Hosi.”—Muhleri.] Wa pfumela leswaku xilumi xi ta ku sukela, na wena xana? [“Ndza pfumela.”] Nakona u ta hola? [“Ndza Ku khensa, Yesu.”] Famba, kutani i ku, “Ndza Ku khensa, Hosi.” [“Ndza Ku khensa, Yesu.”]

206 U pfuke njhani xana? [Sesi a ku, “Ku kokekile ripuwapuwa.”—Muhleri.] Hikokwalaho ka yini, mina, mina!



["Totten."] Ndza ri tiva vito ra wena. Ndzi—ndzi toloverile ku. . . ["Totten."] loko ndza hari mufundhisi wa kereke ya Baptist. ["Totten."] Totten. ["Della Totten."] Sesi Della Totten. U karhatiwa hi nhlana sweswi. ["Ina."] Wu tava kahle, sweswi. Wa pfumela leswaku U ta ku horisa xana? ["Ina."] Wa ha tsundzuka leswi swi nga humelela kwalahaya ekerekeni ya Baptist eMilltown malembe lawa ya nga hundza xana? ["Ina, ndza swi tsundzuka!"] Xa ha ri xona Xikwembu na namuntlha. ["Oho, a ku khensiwe Xikwembu!"] Xikwembu a xi ku katekisi, sesi wa mina.

George Wright, u le kwihi xana? Wa swi tsundzuka xana? Mina, hilaha. . .

Wa pfumela, loko ntsena ndzi nga ku tlhandleka mavoko, hi ntoto lowu, wa pfumela leswaku u ta hola xana? Tana haleno. Hi Vito ra Yesu Krete a hanyisiwi. Amen. Vana ni ripfumelo!

Kunene, hinkwerhu mapfumela hi timbilu ta n'wina hinkwato xana? [Nhlengeletano yi ku, "Amen."—Muhleri.]

<sup>207</sup> Sweswi, sweswo swi yi vuyisa njhani miehleketo ya khale, ku vona manana yaloye! A ndza ha ri ehleketi vito ra yena, hambu swi ri tano, kambe ndzi. . . [Un'wana a ku, "Totten."] Totten. Totten, hi swona sweswo. Oho, ina, nhwana wa yena a ri Bertie. Hi swona sweswo. Sweswo hi swona hakunene. U nga ehleketi leswaku ndzi khomekile, ndzo va ni maendlelo ya ntsongo, wa swi tiva, swi hi maendlelo ya. . . Ndzi ngaka ndzi nga swihlamuseli.

<sup>208</sup> Kambe ku karhatiwa ka wena hi nhlana ku fambile, manana. Famba, u ri karhi u dzunisa Hosi, kutani i ku, "Ndza Ku khensa, Hosi."

<sup>209</sup> Wa pfumela leswaku yuvabyi bya wena bya mbilu byi ta hola, na byona? [Muvabyi a ku, "Ina."—Muhleri.] Ntsena tifambeli, u tsakile, kutani i ku, "Ndza Ku khensa, Hosi Yesu," nakona u Ri pfumela. Hi swona. Vana ni ripfumelo sweswi. U nga kanakani.

<sup>210</sup> Tshunela, manana. Wa pfumela hi mbilu ya wena hinkwayo xana? U na swilo swo tala leswi swi nga hoxeka. U karhatiwa hi nhlana, na wena. Wa pfumela leswaku Xikwembu xi ta ku horisa xana? Hi swona, ntsena tifambeli, u ti tsakerile. Yaloye, yaloye hi Yena a nga ku endla u va na matwele ya lawa. A ku khensiwe Hosi. Xikwembu a xi ku katekisi, sesi.

<sup>211</sup> Yhaa, jaha. [Mufana a ku, "Yhaa!"—Muhleri.] Wa pfumela leswaku Xikwembu xi ya eku horiseni ka ritukulu leri ri nga na n'wana kutani a n'wi endla a va kahle xana? Wa swi pfumela xana? Swi lulamile. Yhaa, chomi, u nge ndzi tlhavula voko ra wena.

212 Xikwembu lexi rhandzekaka, humesa leswo biha eka xifanyetana lexi, leswaku a hanya a tlhela a va la nga kahle. Hi Vito ra Yesu. Amen.

213 Xikwembu a xi ku katekisi, makwerhu. Wa swi pfumela sweswo, a wu swi pfumeli? U ta hola. U nga kanakani eka hinkwaswo.

214 N'wana wa matimba a va ni vuvabyi bya mbilu. Wa pfumela leswaku Xikwembu xi ta ku horisa xana? [Muvabyi a ku, "Ina, nkulukumba."—Muhleri.] Famba, i ku, "Ndza Ku khensa, Hosi, kuva u ndzi horisile."

215 Wa pfumela leswaku Xikwembu xi ta horisa ku lumalumiwa ka wena xana? Tifambeli, u ti tsakerile, kutani i ku, "Ndza Ku khensa, Hosi."

216 Xa ha ri Xikwembu, a hi Xona xana? [Nhlengeletano yi ku, "Amen."—Muhleri.] Nchumu wun'we lowu i nga wu endlaka i ku pfumela ntsena. A hi swona sweswo xana? Wa n'wi pfumela N'wana wa munhu emasikwini yo hetelela?

217 Ku ni swin'wana swi nga humelela lahawani eka timinetse tintsongo leti ti nga hundza, nakona ndzi ngaka. . . ndzi le ku ringeteni ka ku swi lava leswaku swile kwihi. Un'wana u vile na ripfumelo nakona u endlile swin'wana. Kumbe, kumbexani ndzi ta va kuma Sonto lowu wu taka, kumbe loko ndzi nga swikota. Hi wena—wena. . . Hi leswi nakambe. U yimiserile voko ra wena ehenhla. Wa pfumela leswaku Xikwembu xi nga horisa vuvabyi bya wena bya mbilu, xi ku endla u va kahle, xi horisa na nhwana wa wena lahaya eka—eka. . . Wa swi pfumela xana? Manana Neff, wa pfumela leswaku Xikwembu. . . Leo Neff. A ndzi ku tivi, kambe sweswo hi leswi u nga xiswona. U karhatiwa hi mbilu, nakona xinhwenyetana xa wena xi karhatiwa hi yinsu. Wa pfumela leswaku u ta hola xana? Ripfumelo ra wena ri ku hanyisile. Pfumela hi mbilu ya wena hinkwayo.

218 Wena kwalaho exidziveni, wena u nga yima kwalaho u karhatiwa hi khwiri, Yesu Kreste u ku hanyisile.

219 Ma pfumela xana? [Nhlengeletano yi ku "Amen."—Muhleri.] Wa ha ri Yena tolo, namuntlha, ni hilaha ku nga heriki. A hi tlhandlekanaaneni mavoko ya hina eka un'wana na un'wana sweswi. Oho, ehleketani hi awara leyi hi nga eka yona, ehleketani hi nkarhi. Ehleketani leswaku hi le Vukoneni bya Yesu Kreste, N'wana wa Xikwembu. U swi tshembhisile leswaku U ta swi endla leswi eka masiku lawa ya makumu. Ndzi tlhandlekile mavoko eka swidukwana leswi.

220 Xikwembu lexi rhandzekaka, ndza khongela leswaku U ta katekisa swidukwana leswi eka ku hanyisiwa ka miri ya vanhu, eVitweni ra Yesu Kreste.

<sup>221</sup> Sweswi, ni mavoko ya n'wana lawa ya nga eka un'wana, un'wana na un'wana wa n'wana mi swirho swa Miri wa Kreste. Moya wo fana lowo Kwetsima lowu wu nga tshembhisa ku paluxa swihundla swa timbilu niku endla swilo leswi, U le ka n'wana. Mi xiave xa Yena, na Yena u na xiave eka n'wana. Sweswi, U vule leswi, "Masingita lawa ya ta endliwa hi vona lava va pfumelaka." Valavo hi n'wana. "Loko va tlhandleka mavoko eka lava va vabyaka, va ta hola." Sweswi, u nga ti khongeleli, khongelela loyi u nga n'wi tlhandleka mavoko ya wena, hikuva va tava va ri karhi va khongelela wena. Sweswi a hi khongeleni swin'we, kutani ku ngavi kuri na munhu loyi a chavaka emuakwini lowu. Xana hi nga yimela yini hi hlwela, buti wa mina wo rhandzeka, sesi, hi Lowu lahawani, Moya wo Kwetsima, Xikwembu, kona kwala, nchumu wa luwa a hi vulavula hi wona.


<sup>222</sup> Yesu la rhandzekaka hi le ku tekeleni enhlokweni Vukona bya Wena. U vuyiserile n'wana luya lontsongo a tlhela a hanya siku rin'wana, endzhaku kaloko a tava a file, hi xikhongelo xa ripfumelo. Xikwembu lexi xirhandzekaka, ku ni votala lahawani lava hi nga taka hi nga va fikeleli, nkarhi wa famba, kambe va tlhandlekanile mavoko eka un'wana. Hi vona vafpumeri. Hi tshamile eVukoneni bya Hosi Yesu Kreste, la nga pfuka ekufeni, la nga tolo, namuntlha, ni hilaha ku nga heriki.

<sup>223</sup> Sathana, u hluriwile! Yesu Kreste i ku hlurile! U pfukile ekufeni nakona u yimile exikarhini ka hina vusiku lebyi, a ri karhi a tiyisisa Hungu leri ra masiku yo hetelela. Huma exikarhini ka vanhu lava! Va tshike, hi Vito ra Yesu Kreste! "Hi Vito ra Mina va ta hlongola madimona," nakona wa hlongoriwa. Hi Vito ra Yesu Kreste, sukela nhlengeletano leyi!

<sup>224</sup> Un'wana na un'wana wa n'wana sweswi loyi a nga amukela ku horisiwa, yimani hi milenge ya n'wana. Un'wana na un'wana loyi a nga amukela ku horisiwa, yimani hi milenge ya n'wana. Yimisani mavoko ya n'wana sweswi mi N'wi dzunisa!

"Sweswi ndzi amukela ku horisiwa," vulani sweswo eka Xikwembu. Sweswi ndzi amukela ku horisiwa. [Nhlengeletano yi ku, "Sweswi ndzi amukela ku horisiwa."—Muhleri.] Wa ha ri yena wa tolo, namuntlha, ni hilaha ku nga heriki, Kreste. ["Wa ha ri yena tolo, namuntlha, ni hilaha ku nga heriki, Kreste."] Sweswi ndza Ku pfumela. ["Sweswi ndza Ku pfumela."] Wena ndzi pfuni ku ka ndzi nga pfumeli ka mina. ["Wena ndzi pfuni ku ka ndzi nga pfumeli ka mina."] Amen. ["Amen."]

Ndzi ta N'wi dzunisa, ndzi ta N'wi dzunisa,  
 Ndzi dzunisa Xinyimpfani hikokwalaho ka  
 kuva xi dlayeriwe vadyohi;  
 N'wi kwetsimiseni, n'wana vanhu hinkwerhu,  
 Hikuva Ngati ya Yena yi hlantswile xinaka  
 xin'wana na xin'wana.

<sup>225</sup> A mi N'wi rhandzi xana? [Nhlengeletano yi ku, "Amen."—Muhleri.] A hi N'wi dzuniseni sweswi. Hinkwerhu, ni mavoko ya n'wina lawa ya nga tlakusiwa, hi N'wi dzunisa, loko makwerhu a ha ta haleno ku ta hi ntshuxa. 

*SWAKUDYA SWA XIMOYA HI NGUVA YA KONA* TSO65-0718E  
(Spiritual Food In Due Season)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Mawuwani 18, 1965, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. Box 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)